

MHEDZISO

Ndinofara kuva pano mangwanani ano, uye kunzwa kurudziro iyi, ndichingouya papuratiformu. Ndine urombo nekunonoka. Asi vanorwara vari kumashure kunze uko, mudzimotokari, amburenzi, saizvozvo, uye—uye ndatozofanirwa kutora avo vanga vasingakwanise kupinda, munoona, ndisati ndapinda.

² Zvino, handizivi kana hanzvadzi ine mwa—mwana mudiki, kana vasingakwanisi kudzoka masikati ano. Ndinoda kuparidza manheru ano, zvakare, kana Ishe vachitendera. Kana vasingakwanise kudzoka kuti akumikidzwe ipapo, apo ndanga ndakamira kwenguva refu nguva ino, zvino, vaudzei kuti, vanogona kuunza mwana zvino. Asi kana vachikwanisa kudzoka, manheru ano, ano, zvichange zviri nani zvishoma kwateri. Asi regai chero zvavanogona kuita, chero zvazvinoreva. Asika, vasingakwanisi kudzoka, tichaunza mukomana mudiki zvino kuzokumikidzwa. Uye zvino, zvose izvi... Apo ndiri kutaura, kana vachida kuuya zvino, uye ino ndiyo ingava nguva yacho.

³ Zvino, manheru ano, pane chakakosha zvikuru, ndi—ndinoda kutaura nezvechidzidzo manheru ano, mharidzo yechiporofita yekuti: *Changamire, Ndiyo Nguva Yacho Here?* Saka kana Ishe vachitendera, ndinoda kutaura nezvechidzidzo ichocco manheru ano. *Ndiyo Nguva Yacho Here, Changamire?* Kana kuti, *Changamire, Ndiyo Nguva Yacho Here?* waro. Uyezve ndinoda kutora mukana uno, pamberi pechechi. Apo, pange paine zvinhu zvakawanda zvakaitika mumazuva mashoma apfuura, zvinonongedza kune chimwe chinhu chi—chikuru chandisinganzwisise. Asi isu tiri, isu nguva dzose... Nzira dzaMwari hadzinzwisiswi nemunhu, saka tinotongofanira kufamba nokutenda. Kana ani zvake achigona kutsanangura Mwari, saka hazvaizova nebara kuva nekutenda, nokuti iwe—iwe unotoziva zvino. Asi tinongofamba nokutenda.

⁴ Zvino mangwanani ano, ndafunga kuti ndaizoedza kungoita shumiro yemazuva ese yekuvhangera, nokuti, ndaita sekushandura pfungwa yangu mushure mekunge ndasvika zasi kuno uye ndikaona vakawanda kwazvo vakamira, uye vanga vakamirira kwenguva refu kwazvo. Uye zvakare, manheru ano, zvichida vashoma pano, uyezve ndinogona kuenderera mberi neizvi zvandiri kuda kutaura.

⁵ Chinhu chimwe chandinoda kuzivisa, apo vazhinji vavo vari pamwe chete, vazhinji venyu muri pamwe chete. Ndechimwe chinhu chandakaregedza kuzivisa kwemavhiki mashoma apfuura. Kuti, minamato yenyu yakapindurwa maringe nenyaya

yemutero yandaive nayo nehurumende. Yakagadziriswa. Uye saka tiri... Zvese zva—zvakapera zvino. Sevazhini venyu munonzwisia chavaindipira mhosva kuti aive machekei aye akange apiwa kuitira musangano, uye zvakadaro vakaedza kutaura kuti aiva angu ipapo. Uye vaida kundibhadharisa madhora 350,000 neanoraudzira nokuda kwokuti aive angu pachangu, uye akanga asiri. Aive emusangano. Uye chechi inoziva nezvazvo. Imi mose munoziva nezvazvo. Zvino pakupedzisira vakasvika panzvimbo yokuti...

⁶ Ndichangokupai chimiro chezvakaitika. Vange vave nemakore potse 3 kusvika 5, tingati, makore angangoita 5, ndinofungidzira, munyaya yacho, uye kudzokororwa nekudzokororwa, nemuhunhu nezvose. Asi ndinotenda zvikuru kuti havana kukwanisa kuwana chero chii zvacho chekundiwanira mhosva, saka havana kukwanisa kundipomera mhosva nokuda kwazvo. Saka pakanga pasina chekupomerwa mhosva, kungoti, vakati, kusangoziva kwangu—kwangu, pachangu, ndinofungidzira kudaro, nekusaziva zvakawanda pamusoro pomurairo. Vaindiunzira machekei uye ndaiasaina, ndoisa zita rangu paari, ndoaisa mumusangano. Asi zvino, chero bedzi ndaiisa zita rangu paari, aive angu, munoono. Zvisinei... Vakati, "Zvakanaka kwazvo kuti iwe uite, saizvozvo. Asi anga ari ako, uye ukabva waapa kuchechi. Asi uchingobva kuisa zita rako pairi, yanga yava yako, zvisinei nekuti akanga apiirwa chii. Akanyorerwa kwauri." Saka... zvino dai aive akaiswa pa... mumwe munhu akaisa ipapo oti, "chipo chako pauzima," zvingadai zvakanaka. Asi vakangonyora kuti, "William Branham." Maona? Zvino pandakaisa zita rangu pairi, zvakabva zvazviita. Aive ose zvawo. Saka vaito... Uyezve pakupedzisira nemunamato...

⁷ Uyezve kasiri kare, munoziva, ivo... Ndakava nechiratidzo chekuti mumwe murume, mukuru, akasviba, aipfungaira chiutsi, aine chin'ai, aine makwapa, segarwe akauya, achifamba akananga kwandiri, aine mimwe yedare. Ndaiva nebanga diki rimwe chete, rakaita sekudai. Zvino paari paive pakanzi, "Hurumende yeUnited States." Zvino hapana chandaigona kuita. Ndaive ndisingagoni kuzvibatsira. Ndokubva Ishe vasvika panzvimbo, uye akabva akundwa. Uye munoranganira ndichikuudzai izvozvo, kare.

⁸ Zvino vakazoti tisvike patinobvumirana, rimwe zuva. Uye gweta rangu, VaOrbison muNew Albany, neIce & Miller vari muIndianapolis, panyaya yemutero, vakandidana, uye vakandiudza kuti, "Huya zasi." Zvino ndakaenda zasi, Hama Roberson neni, nemudzimai wangu, nematirastii echechi pano, nesu tose. Takaenda zasi. Uye vakatiudza kuti ivo vaive, hurumende, yaive yakagadzirira kuti tisvike pabvumirano.

⁹ Ini ndikati, "Ini, kana ndine chikwereti chaani zvake, ndichavabhadhara. Asi ndinoita nepandinogonesesa napo. Asi,"

ndakati, "handina chikwereti ichocco." Uye saka ndakati, "Ini—ini... Ndizvo, zvechokwadi. Mwari vanoziva. Zvino sei vasingandipomeri mhosva, zvino, kana ndiine mhosva?" Ndikati, "Vakave nemakore 5 ekuedza kuzviita, asi havana kuwana chii zvacho chekuzviita nacho." Saka ndakati, "Kwete, ndinoramba. Ini handitongoibhadhara kusvikira zvaratidzwa kuti ndine chikwereti chayo."

¹⁰ Ndokubva gweta randitora ndokutaura nenii, ndokuti, "Zvino, tinogona kuedza nyaya yacho. Hurumende ichairedza." Uye akati, "Kana vadaro, chinhu chega chavanogona kukuwanira mhosva, chaiva chekuti iwe..." Izvo ini, izvo, maitiro andakazviita. Handina kungo...

¹¹ Hapana chandinoziva pamusoro pekuchengeta mabhuku, saka ndakatongozviita nenzira yandaifunga kuti yaive yakatendeseka. Uye iyo—iyo haina kumbobvira yaiswa mubhangha muzita rangu. Yaigara yakaiswa mubhangha muzita remusangano wechechi nezvimwe zvakadaro, munoonaa, saka hachisi chinhu chandaigona kuita nezvacho. Uye ini...

¹² Akati, "Zvinoka, vari kuda kuita chibvumirano, nemadhora 15,000, nemurango wemadhora 10,000." Uye mubhadharo wemagweta waive 15,000. Zvakandiita kuti ndive ne 40,000. Uye saka zvino vanoda mamwezve 5, ndinofunga ndizvo zvino. Saka ndakaenda...

¹³ Ndakati, "Ndekupi chaizvo munyika kwandingambowana madhora 40,000?" Ndakati, "Munoziva, akaundi yangu yekubhangha pano, yaiti madhora angangoita 100, kana pada shoma." Ndakati, "Ko ndingawane kupiko madhora angaita 40,000 neanoraudzira?" Ini ndikati, "Handina chokufanobatisa. Ini handitongorina ichocco. Ndizvo zvoga."

¹⁴ Uye akati, "VaBranham," akati, "hezvinoi zvazviri. Kana tikaedza nyaya yacho," akati, "hapana kupokana kuti tinogona kukunda nyaya yacho." Akati, "Asi hezvinoi. Tinogona kuikunda, nekuti hezvinoi zvandichaita. Vachati ese ndeako nekuti wakasaina zita rako paari. Uye vachazoti ndeyako, kunyangwe yakaiswa mubhangha muzita remusangano, chechi, musangano waBranham, uyezve chechi."

¹⁵ Zvino hapana kana nguva imwe chete, yavakagona kuwana sendi rimwe chete randakambozvishandisira ini pachangu. Ndicho chokwadi. Mwari vanoziva. Pane varume vagere pano chaipo zvino, vanga vaineni nguva yose iyi. Hapana kana sendi rimwe zvaro randakambozvishandisira ini pachangu. Yose yaiva kuitira Humambo hwaMwari, kwese-kwese, cheki yese, zvimwe zvese.

¹⁶ Asi, munozviona, asi izvozvo hazvina basa. Yaive iri—inofanira kuva yangu, kutanga, uye yochibva yava yechechi, yove yemusangano. Uye vane nzira yekuzviita nayo, munoziva,

mhando dzese dzekunzvenga nadzo dzavanogona kuita. Saka ndakabva ndati, "Zvino, ini—ini handitongozviiti."

¹⁷ Uye akati, "Zvino, kana tikakunda nyaya yacho nenzira iyoyo, nekuti, ndicha—ndichaaratidza 'zvipo zvako pauzima.' Maona? Ndichazvizivisa, nehurumende kuti, 'zvipo zvako pauzima.'" Uye akati, "Zvino, pandichaита izvozvo, madhora anodarika 10,000 achava nhaka. Zvinoka unovba wadzokera mazviri zvakare, uye vachakubata mamwezve makore 5, vachiaongorora ose." Maona? Paunonyora cheki, inopinda nemumba yekuongorora. Ivo vanoifotokopa, vokopa cheki iyoyo. Hongu, ndakanga ndine macheki acho ose, zvakare, avakaongorora. Saka akati, "Ndipo pavanokubatira, zvokudzosa kumashure zvakare."

¹⁸ Uye akati, "Chimwezve chinhu, VaBranham, kana imi, makambodenwa kuhurumende, saizvozvo, pasi pekuerefetwa, zvisinei nezvamunomboita, mumaziso eruzhinji, 'Muri tsotsi.' Maona? Asi ndizvo zvoga."

¹⁹ Tarisai mufundisi mudiki uyu weBaptisti zasi kuno kuMississippi, muchinda mudiki uya. Mumwe mudzimai akati akapinda ndokumukanganisa. Zvino murume iyeye akaunza humbowo kubva munyika yese uye nekwese, kuti akanga asitomboripo muguta, kwemazuva zuva iroro risati rasvika, zuva racho, kana zuva raitevera racho, zvekutoti mutongi aida kushandura kuti amhan'aire mukadzi uyu nekuda kweguhwa raimusvibisa hunhu. Akati, "Muregei aende."

²⁰ Zvino pazvakaiswa panhepfenyuro yeMonitor zvichiongororwa, munyika yose, munoziva here zvakaitika? Makumi manomwe nemashanu kubva muzana evanhу vemuAmerica vakati, "Pane chiutsi, pane moto." Zvino muchinda mudiki iyeye anonzwisa urombo, asina kana mhosva sezvandingava, kana chero ani zvake, achatambura ari pasi pazvo mazuva ake ose, apo iye asina kana chekuita zvacho nezvazvo.

²¹ Ndakanzwa kukanganiska zvakanyanya, kwechinguva, kufunga kuti ndakaisa hupenyu hwangu kuHumambo hwaMwari, kuedza kuita, kuona vanhu muchibhadhara mitero yenu nekuita zvinhu, nekuita zvakanaka, nekuita kuti matsotsi ave vanhu vakarurama; uye ndochifanirwa kuonekwa sekunge ndaive tsotsi, pachangu. Ndakafunga, "Chii chaizvo ini chandakaita panyika?"

²² Zvino zvakauya kwandiri, uye ndikatarisa muBhaibheri. Munhu wese ari muBhaibheri, pasina anosara, akambova nehofisi yemweya, kana Satani asina kukwanisa kuvabatira pahunhu kana chimwe chinhu, hurumende yakavabata. Nyatsodzokerai kune chero kupi zvako kwamunoda, nzira yose zvichidzika: Mosesi, Dhanieri, vana vechiHebheru, Johane Mubhabhatidzi. Jesu Kristu akauraiwa nagavhuna, chirango

chorufu. Pauro, Petro, Jakobho Mukuru, Jakobho Muduku, mumwe nomumwe wavo akafa pasi pehurumende.

²³ Nokuti, ndizvo, hurumende yose, ndiyo chigaro—chigaro chaSatani. Jesu akataura kudaro. Bhaibheri rinozvitaura. Maona? Hurumende yese inotongwa nadhiyabhore. Kuchauya hurumende ichatongwa naKristu, asi munenge muri muMireniyamu. Asi iyi, hurumende idzi zvino, zvisinei nekuti tinofunga kuti dzakanaka sei, asi zvakadaro, kumashure kwadzo, dziri—dziri pasi pechisimba chaSatani. “Humambo uhu,” akati, “ndehwangu. Ndinoita nahwo chero zvandinoda. Ndichahupa kwaUri, kana Ukandinamata.”

²⁴ Jesu akati, “Ibva pano, Satani. ‘Uchanamata Jehovha, uye Iye oga ndiye wauchashumira.’”

²⁵ Ndakabva ndaora mwoyo. Mudzimai wangu ari kunditeerera. Ndakaenderera mberi, ndikati, “Kwete, changamire. Ini, dai ndaive nechikwereti chayo, ndaizoibhadhara. Handina chikwereti chayo, uye handisi kuzongochibbadhara. Ndizvo zvoga.” Ndikati, “Ndingachibbadhara sei, zvakadaro?”

²⁶ Saka, ndakaenda kumba. Ndakati, “Meda, geza kumeso kwevana. Vagadzirire mbatya dzavo. Ndave kuenda.” Ndakati, “Havatozombo... Zvinhu zvose, zvakangopidiguka.”

²⁷ Ndikati, “Ndakaitei? Ndiudze.” Ndikati, “Zvisinei, ini, madhora 40,000? Fiyuu! Hauzive zvazvinoreva kwandiri.”

Zvino akapinda, sezvingaita mudzimai mudiki akanaka, akati... .

Ndakati, “Ndave kuenda.”

²⁸ Akati, “Unofunga kuti izvozvo zvingabatsira here? Wati wambozvinamatira here?”

²⁹ Ndakafunga, “Saka, zvichida regai ndinamate zvakare.” Ndakadzokera mukati. Zvakaita sokunge Vakataura kwandiri, Gwaro.

³⁰ Nguva dzose, tinoda kutarisa Gwaro, zvakaitwa naMwari pamusoro pazvo, munoona.

³¹ Zvino rimwe zuva, zvakabunzwa kwaAri, munoziva, vachiedza ku—vachiedza kuMupomera mhosva kuhurumende. Vakati, “Zvakanaka here kватiri isu maJudha akasununguka kupa mubhadharo kana mitero kuna Kesari?”

Akati, “Mune dhinari here?” Akati, “Chinyorwa chaani chiripariri?”

Vakati, “ChaKesari.”

³² Akati, “Saka chipa Kesari zvinhu zvaKesari. Uye kuna Mwari, zvinhu zviri zvaMwari.”

³³ Ndakafunga nezvazvo. Ndakavhura muBhaibheri ndokuzviverenga. Ndakafunga, “Zvechokwadi, Ishe, ndizvozvo.

Asi *iyi* haisi yaKesari. Iyi yaive yeNyu. Yakanga isiri yaKesari. Kana dai yanga iri yangu, ndaifanirwa kubhadhara mimwevezre mitero kana chimwe chinhu, zvinoka, izvozvo zvingadai zvakasiyana, kuri kuti yaive yaKesari. Asi, *iyi*, iyi ndeyeNyu. Maona? Uye iyo—iyo yakanga isiri yaKesari, pakutanga.”

³⁴ Munoziva, Vakagara vaine mhinduro muShoko. Ndakangoverenga mberi zvishoma, zvino Akati, “Handiti, Simoni, hauna here chirauro muhomwe yako?” Maona? “Unogara wakatakura kachirauro kadiki netambo. Zvino ndichangobva kuisa mari mangwanani ano, mubhangha rehove zasi uko ku—kurwizi, unoziwa.” Akati Iye...“Ndaisa mari, uye uyo wemubhangha zvirokawazvo achapa yaanayo. Chingodzikwa ikoko wokanda chirauro murwizi. Uye kana waburitsa pabhangha racho, vhura muromo waro, unoona, zvino richa—richaburitsa mari. Ngatirege kuvagumbura. Usavakanganisira. Maona? Enda unoibhadhara, Simoni. Ichava iri yaNgu neyako.”

³⁵ Ndakafunga, “Chokwadi, Mwari. Mune mabhangha ehove nezvimwe zvose, munyika yose. Handizivi kuti zvichaitwa sei.”

³⁶ Asi takaenda zasi. Ndine hama muno chaimo muchechi dzakamira gwaro rangu, ndikaisa gwaro, ndokuwana madhora 40,000, ndokuibhadhara.

³⁷ Ndakaenda kumba. Ndaida kuziva manyorero andakaita cheki iyoyo, kana vaizodzoka kwandiri zvakare. Ndakati, “Izvi zvinoreva kuti ndasunungurwa kubva kumitero yese. Zvino, zviri nani vatosaina zvavo iyoyo, zvechokwadi vanopinda pakaoma mushure mazvo.” Ndakaramba ndichifona, kubhangha, kuti ndione kana vaizozviita.

Uye, pakupedzisira, Bob akandiudza, akati, “Billy, vakazviita.”

³⁸ Ndakapinda ndokumbundira mudzimai, ndikati, “Mudiwa, ndasunungurwa.” Manzwiro akadini, kunge wasununguka!

³⁹ Uye saka ndinokwanisa kuibhadhara zvino, vakaita kuti zvive nyore kwazvo kwandiri. Ndinogona kuibhadara ndichidzosera nemadhora 4,000 pagore. Zvino, handichakwanisa kuita hurovha zvachose, hama. Ndinofanira kubuda ndoenda kunoshanda. Saka ini—ini...Zvinonditorera makore 10 kuti ndiibhadhare. Uye kana—kana Jesu asina kuuya. Uye kana izvozvo, kana Akauya, zvikwereti zvose zvatopedzwa zvose kubhadharwa zvakadaro. Maona? Saka, zvino, saka ndi—ndinovimba kuti imi mose...Minamato yenyu...Uye, manheru ano, ndichaenderera mberi nechimwe chinhu zvishoma kune izvozvo. Asi minamato yenyu ndiyo yakandibatsira. Ndinokutendai, zvikuru. Mwari vakuropafadzei. Zvisinei nekuti tinombove kupi, handife ndakakanganwa izvozvo.

⁴⁰ Manheru ano, kana Ishe vachitendera, ndinoda kutaura zvime zvezvokwadi yandinoziva. Uye ivai nechokwadi chekuuya. Zvino, rangerirai: *Madzichangamire, Inguvai?*

⁴¹ Zvino, tiri kuzo... Ndinotenda, vane hurongwa hwakazara hwerose... vhiki rino. Uye Muvhuro manheru ndiwo... Shumiro, manheru ano, nhasi nemanheru, uye neMuvhuro. Muvhuro manheru ishumiro yekurinda. Uye—uye zvadaro zvinokupai Chipiri, Zuva reGore Idzva; kana uri kunze kweguta, unogona kudzokera kumba.

⁴² Zvino tichava nevamwe vashumiri vakanaka pano zvino pamusangano iwoyo. Isu, boka gu—guru revatauri vakanaka, zvino munhu wose achange achitaura tichichinjana, zvchienda zvakadaro kusvika pakati pohusiku. Uye dzimwe nguva vanotora chirairo, kana chiri muhurongwa. Handizivi kana vari panguva ino, kana kuti kwete. Chaipo apo pavari kudanidzira, nokuzhambatata, nokupfura, nokunwa, nokufarisa, tinotora chirairo. Ameni. Kutanga Gore Idzva zvakanaka, nechirairo. Zvino, imi mose munokokwa. Uye ndinovimba kuti, imi, Mwari vematenga vachakupai mukana wekugara kana muchikwanisa.

⁴³ Zvino, tisati tasvika kuShoko, ndinoda kutaura izvi, zvakare, kuti zvirokwazvo ndinotenda chechi ino, nhengo dzayo, nokuda kwenhumbi yesutu yakanaka yamakanditengera. Ndokutendai, zvikuru. Zvinoreva zvakanyanya kwandiri. Makadhi enyu ese uye zvinhu pamwaka ye—ye—yeKisimus, nezvipo zvamakatumira kumhuri, uye, oo, ini, zvakanga zvisingaverengeki kwandiri. Uye zvinhu zvidiki zvisingatadze kubata nzvimbo iri mumoyo mangu, hapana chaikwanisa kuzviita saizvozvo, kuziva kuti zvakabva kwamuri. Uye saka vamwe vavo vakandumira zvime zvezvipo zvavo zveKisimus semari.

⁴⁴ Uye vamwe vavo vakatumira zvakadaro. Imwe hama yakandumira kabhuku kemuhomwe, uye vakagadzira kaine zita rangu pakari. Kapini kadiki kaunotarisa nemakari, uye kaine Munamoto waShe makari. Uye, oo, zvinhu zvakadaro, zvinongo, tinongokoshesa. Mudzimai neni, nevana tinoda kukuudzai kuti, “Makaita henyu, zvikuru.” Zvidiki kwazvo. Asi ndichataura izvi, iri ndiro izwi gurusa randinofunga kuti chero munhu upi anogona kutaura, “Mwari vakuropafadzei.” Hapana chinogona kuva chikuru zvakadarika.

⁴⁵ Zvino, uye kuhamma idzi dziri pano pachechi, dzakanditengera pfuti iya, Nda—ndapfeka sutu yangu, asi ini—ini handina kukwanisa kuunza pfuti kuchechi. Asi yaive... Vangadai zvechokwadi vaine chimwe chinhua chavanopesana neni zvino, vangadai vasina here? Saka ndi—ndi—ndinokutendai zvemazvirokwazvo, hama dzangu. Uye ndanga ndiri kuzoverenga mazita avo pane kadiki... Asi mumwe wehama idzi akauya nezuro, ndokuti, “Oo, musa—musa—musanditenda, Hama Branham. Zvingazongobvisa mufaro wese mazvirii.” Maona? Saka ndakafunga kuti pamwe vamwe vose vangafunga zvime chetezvo. Asi ndine zita

renyu. Vakaritaipa. Ndichagara ndichizvirangarira. Uye Ishe vakuropafadzei zvikuru.

⁴⁶ Uye munoziva zvandinozorora pazzviri, zvino ndiko kupinda mukamuri yepakavanda iya ndogara imomo, ndotura mafemo zvakare. Kana ndikavhiringidzika zvakanyanya, ndisingakwanise kupfuirira mberi, ndobva ndofunga nezverwumwe rwendo rwokunovhima rwandakaenda kune imwe nzvimbo, kana kumwe kwandakaenda kundoredza. Ndinozvikoshesa izvozvo. Mwari vakuropafadzei.

⁴⁷ Zvino, tingakotamisa misoro yedu here kwekanguvana, tichiswedera kuShoko. Ndine chokwadi chekuti mune zvikumbiro muno mangwanani ano, zvakawandisa zvingaverengeki zvino. Saka handizivi, takakotamisa misoro yedu, chikumbiro chako chakakosha, kana ukangochichengeta pamwoyo wako, wongosimudza maoko ako, woti, “Mwari, Munoziva zvandiri kufunga nezvazvo zvino.”

⁴⁸ Ishe Jesu, Munoona ruoko rwose. Uye Munoziva zviri shure kwairworwo. Pazasi-zasi peruoko irworwo pane chikumbiro. Uye tiri kuuya zvino, nekuremekedza, kumusoro kuChigaro cheushe chaMwari mupenyu, parera riya guru jena rinotambanukira muchikamu chenguva, uko Jehovha Mwari vanogara mukati Imomo, uye Ropa raKristu riri pamusoro peartari. Uye tinotaura nepaRopa iroro, naIye akati, “Kumbirai Baba chero muZita raNgu, chichapihwa.” HaMunganziwi here, Mwari, mangwanani ano, uye mugopindura zvikumbiro zvavo? Ndinoisa munamato wangu neyavo, nhasi, kuti Mugozviita.

⁴⁹ Heano mahengechepfu arere pano, Ishe, ndeavo vanorwara uye vari kutambudzwa. Uye tinodzidziswa muBhaibheri, kuti, “Vakatora kubva kuna Mutsvene Pauro mahengechepfu nemaapuroni, uye zvikaiswa pamusoro pavarwere, uye mweya yetsvina ikabuda kubva mavari, uye zvirwere zvikabva.” Uye, Baba, sezvatagara tichiziva kwenguva yakareba, uye tinoziva zvechokwadi kuti hatisi Mutsvene Pauro. Asi, shure kwevzose, tinonzwa kuti akanga asiri Mutsvene Pauro. Aiva Kristu akanga ari maari. Uye Muri “mumwe chete zuro, nhasi, nokusingaperi,” maererano noRugwaro. Zvino, vanhu ava, Ishe, vanotenda kuti kana tikakumbira Mwari, uye vakatora mahengechepfu aya voaisa pamusoro pevarwere vavo, kuti vachapora. Ndinonamata kuti zvive saizvozvo, Ishe, kana mahengechepfu aya aiswa pamusoro pevanorwara.

⁵⁰ Uye sezvakataurwa, imwe nguva, Israeri ichitanga iri mugwara rebasa, ichienda kunyika yechipikirwa, uye Gungwa Dzvuku rikavadvivisa, chaimo munzira yebasa. Asi Mwari vakatarisa pasi kubudikidza nemuShongwe yeMoto iyoyo, nemeso ane hasha, zvino gungwa iroro rikaty. Uye rikakungurutsa mafungu aro achidzokera shure, mvura dzaro.

Israeri ndokupfuura napanyika pakaoma, kuenda kunyika yechipikirwa.

⁵¹ Zvino, Ishe, nhasi, tarisai kubudikidza nemuRopa raJesu. Uye Munoona chiito chekutenda ichi chatiri kuita pano mangwanani ano. Uye dai Satani akatya obva aenda. Uye dai mumwe nemumwe wevafambi vari pano, uye neimwe neimwe yemahengechepfu aya achaiswa pavari, dai vave... nzira yazarurwa, uye hurwere hwabviswa, uye dai vafamba vakananga kunyika yechipikirwa, vachitungamirirwa neMweya Mutsvene, Shongwe yeMoto. Zviitei, Ishe.

⁵² Zvino, ropafadzai shumiro, mashoko, chidzidzo chacho, zvichaverengwa. Uye dai Mweya Mutsvene watora Shoko, mangwanani ano, uye ugoRigovera zvine kutapira kune mumwe nemumwe wedu, Ishe, apo tiri kukura tichienda pedyo nechimwe chinhu chikuru kwazvo chatsingazine kuti chii. Mwoyo yedu yazunguzwa zvinoshamisa, Ishe. Uye tinonamata zvino, tichiswederwa kwaMuri pamwe neShoko reNyru nekuremekedza, kuti Mugotidudzirira zvazvinoreva. Nokuti tinozvikumbira muZita raJesu. Ameni.

Zvino, manheru ano, musakanganwe... *Nguva, Inguvai?*

⁵³ Uye zvino, mangwanani ano, ndinoda kuvhura, imiwo zvakare mune maBhaibheri enyu. Kana kuti zvimakei, kana muchida henyu, muMagwaro, patiri kuda kutaura kubva, kwechinguvana, anowanikwa muBhuku raMabasa. Tinogona kuverenga nzvimbo 2 kana 3. Mabasa 26:15, kutanga. Mabasa, chitsauko 25 uye ndima 15, kutanga.

⁵⁴ Zvadaro tinoda kuverenga Mabasa 23:11. Uye munogona kuwedzera neizvi, kana muchida, zvichida handizowani nguva yekuzviverenga, VaFiripi 1:20. Zvinongova chidzidzo chimwe chete, mazwi mamwe chete.

⁵⁵ Zvino, muBhuku raMabasa, 26:15, apo parinoverengwa sekudai:

Zvino ndakati, *Ndimi aniko, Ishe?* Zvino akati, *Ndini Jesu waunotambudza.*

...simuka, uye umire namakumbo ako: *nokuti ndazviratidza kwauri* nekuda kwechinangwa ichi, *kuti ndikuite mushumiri nechapupu* chevzose zvinhu izvi zvawaona, uye nezvinhu izvozvo zvandichazviratidza *kwauri;*

Ndichikununura kubva kuvanhu, nokuMarudzi,... vandinokutumira kwavari,

Kuti usvinudze meso avo, nekuvatendeutsa kubva murima vaende kuchiedza, nokubva pasimba raSatani vaende kuna Mwari, kuti vagamuchire ruregerero rwezvivi, nenhaka pakati pevakaitwa vatsvene nokutenda kuri mandiri.

Naizvozvo, O...Agripa, handina kuramba kuteerera kuchiratidzo chokudenga:

Asi ndakatanga kuvaratidza paDhamasiko, nepaJerusarema, nemhenderekedzo dzose dzeJudhea, uye ivo...tevere kuMarudzi, kuti vatendeuke uye vadzokere kuna Mwari, uye vaite mabasa akafanira kutendeuka.

⁵⁶ Muna Mabasa 23, uye ndima 11 zvakare:

Zvino husiku hwakatevera Ishe akamira naye, uye akati, Tsunga mwoyo, Pauro: nokuti...wakapupura nezvangu muJerusarema, saizvozvovo unofanira kupupura zvakare paRoma.

⁵⁷ Dai Mwari vawedzera maropafadzo aVo matsvene pakuverengwa kweShoko rino rakanyanya kunaka, dzvene ratinaro pamberi pedu.

⁵⁸ Zvino, ndainzwa mumwe murume achireva, kana kutaura, kasiri kare, zvino akashandisa izwi rokuti *Mhedziso*. Zvino ndakafunga, “Izwi rakanaka kwazvo.” Ndinonzwa richishandiswa kakawanda kwazvo, “Zvirokwazvo.” Ndizvo...

⁵⁹ Ndakatarisa muduramazwi, raWebster, maererano neraWebster, ndiko kuti “Chakazvikwanira pachezvacho; chisina muganhu musimba racho; pamusoro pazvo musimboti wazvose.” Zvino *musimboti* ndiwo “Ameni. Ndizvo zvoga.” *Mhedziso*, ndiyo—ndiyo “Chisina muganhu musimba,” shoko rokuti *mhedziso*. Ndicho—ndicho, “Chakazvikwanira pachezvacho. Ndizvo zvose. Zvatoringana.”

Ndakafunga kuti, “Chinhu chinobwinya. Izwi rinoshamisa.”

⁶⁰ Uye zvino, shoko ipfungwa yaratidzwa. Kutanga, inofanira kuva pfungwa, zvino yochibva yava shoko. Nokuti, hautauri mashoko ako usina kufunga.

⁶¹ Kana tichitaura nendimi, hatina mufungo. NdiMwari vari kutora pfungwa dzacho. Ipfungwa dzaMwari dziri kushandisa miromo yedu. Hatifungi kana kuziva zvauri kutaura kana uchitaura nendimi, kana kuri kutaura kwakafemerwa. Paunodudzira, hauzive zvauri kutaura. Unongozvitura. Ndizvo zvoga. Maona? NdiMwari. Uye uchiporofita, hausi kushandisa pfungwa dzako pachako. NdiMwari, nokuti unotaura zvinhu zvausingambofungi kutaura nezvazvo. Maona?

⁶² Asi shoko rokuti *mhedziso* ndiyo “chinopedzissa chacho.” Uye, nokudaro, ndinofunga kuti munhu wose anofanira kuva nemhedziso. Zvino budiriro huru yese yakamboitwa, kwaive kune mhedziso shure kwayo. Zvisinei nekuti chaise chii, yakave nemhedziso shure kwayo. Uye munhu wose, kuitira kuti abudirire pane chimwe chinhu, anofanira kutanga ava nemhedziso. Uye ndicho chinhu chekupedzisira pakudzokera, uchipinda mune *izvi*, *izvo*, wodzokera nemune *zvimwe*, kusvikira

wasvika pamhedziso iyoyo, kana ameni, kana musimboti wacho. Yezvauri... Une chimwe chinhu chaunofanira kusungirira kwachiri, nemamwe mashoko. Ndiyo hoko yekusungirira kwairi yekupedzisira, kune budiriro yese. Iri kune imwe nzvimbo. Inogona kutenderera nemuzvinhu zvakawanda zvakasiyana kudzamara yasvika kune mbambo iyoyo, asi heyo ameni kune zvose hazvo. Panofanira kuva nechinhu chakadaro. Haugone kuenderera nehupenyu usina imwe iyoyo.

⁶³ Iwe, pawakaroora, paitofanira kuva nechinodzokera shure mupfungwa dzako, chimwe chinhu, kusvikira wanobata pambambo iyoyo. Uye rwaifanira kuva rwuri rudo kumudzimai wako, kana kuti murume wako. Zvino, zvichida haana kunaka semudzimai waJohn; kana iye, zvino, haasi i—i *ichi, icho*. Asi pane chimwe chinhu pamusoro pake, icho, iwe, chinokubata. Iwe—iwe—iwe unoti, “Mudzimai anogona kunge asina kunaka semumwe,” kana kuti, “Murume anogona kunge asina kunaka semumwe.” Asi panofanira kuva nemhedziso ipapo, yokuti munhu iyeye akasiyana, uye ndipo apo paunobatirira. Kana iyoyo isipo, zviri nani musatomboroorana zvenyu. Mbambo iyoyo! Mhedziso iyoyo!

⁶⁴ Tinogona kufunga nezvevakawanda vaiva nemhedziso, muBhaibheri. Oo, tinogona kutora sei, tichidzika nemumuhwezva weBhaibheri iroro, uye tongova pano mavhiki 2 kubva zvino; uye tisina kana kumbobvira tagunzva pamusoro pacho, kana taizofunga nezvemhedziso dziri muBhaibheri. Semuenzaniso, regai ndingodana 1 kana 2, ndongovapfupisa.

⁶⁵ Tarirai Jobho, zvino, akanga ane mhedziso. Zvinhu zvose zvakakanganisika kumurume iyeye, murume akarurama. Zvino, hatingamboedza kutaura kuti akanga asina kururama, nokuti Mwari vakati aive. Pakanga pasina munhu panyika akaita saJobho. Akanga akawkana, mumaziso aMwari. Uye aizviziva, nokuti akanga ane mhedziso. Akanga ane mhedziso, apo zvinhu zvose zvaiita sezvinopesana.

⁶⁶ Hurwere hwakatanga. Shamwari dzake dzinogona kunge dzakati, “Zvino, hezvoka izvo, Jobho. Zvinoratidza kuti uri kutadza. Uri kukanganisa.” Ndokubva mabhishopi vauya zasi. Vakavadaidza kuti vanyaradzi vaJobho. Uye pachinhambro chokumunyaradza, hapana chavakaona kunze kwechivi muhupenyu hwake, nokuti Mwari vakanga vashanda naye nenzira yaVaive vaita.

⁶⁷ Uye vana vake vakaurayiwa. Pfuma yake—yake yakapiswa. Zvinhu zvake—zvake zvese zvakakanganisika. Uye kunyangwe hupenyu hwake pachake hwaive munjodzi, agere pamurwi wemadota, ndokumera kubva panhongonya yemusoro wake kusvikira pasi petsoka dzake, mamota. Uye kunyangwe mudiwa wake akaisvonaka, anotapira, amai vevana ivavo, akati,

“Unofanira kutuka Mwari ugofa rufu.” Asi akatarisana nazvo zvose izvozvo, Jobho akanga ane mhedziso.

⁶⁸ Oo, munguva yehurwere, dai taingogona kuzvisungirira kumhedziso iyoyo!

⁶⁹ Jobho aiziva kuti akanga aita kuda kwaJehovha. Uye aive nekutenda mune zvaakaita, nekuti Jehovha vaizvida. Tinogona kungoita izvozvo. Jehovha vaida chibayiro chinopiswa chechivi chake. Uye Jobho, kwete chake iye oga, asi chevana vake, akanga aita chipiriso chinopiswa, uye ndizvo zvoga zvaidiwa naMwari.

“Oo,” unogona kuti, “Ndinoshuva kuti dai zviri izvo zvoga zvaVanoda nhasi.”

⁷⁰ Zvishoma pane izvozvo. Kungotenda chete muShoko raVo! Uye iwe, kana ukaita Shoko raVo Mhedziso yako, unokwanisa, chero vimbiso yaMwari iri muBhaibheri, unokwanisa kusungira mweya wako pairi. Hazvina mhosva kuti masaisai anokurova zvakadii, unenge uchiri wakasungirirwa; mhedziso yako.

⁷¹ Zvino akabatirira pairi. Uye vanyaradzi vake pavakati, “Wakatadza,” aiziva kuti akanga asina. Akanga akarurama, nokuti akanga aita kuda kwaJehovha. Zvino apo zvese zvake...

⁷² Mumwe murume akapinda, akati, “Vana venyu vafa.” Mumwezve akapinda, akati, “Mangamera enyu apiswa ose. Zvino kwaburuka moto uchibva kudenga.”

⁷³ Tarirai igakava rakadii raive nevapomeri vake. “Maona? Moto wakabva kudenga. Zvino, Jobho, zvinotoratidza.” Hapana chazvinoratidza. “Zvino, Vangadai vasina kurova vana vako, Jobho; uri munhu akarurama.”

⁷⁴ “Asi,” Jobho akati, “Ndinoziva kuti ndakaita zvakanaka.” Akaramba akabatirira. Aiva nechimwe chinhu chaagiona kudzimikira pasi. Ndizvozvo. Akanga achigamuchira. Akanga aita chaizvo zvaakanga audzwa naMwari kuti aite, uye aiva nechokwadi chemazvirokzwazvo. Zvakanaka.

⁷⁵ Zvino paakasvika panzvimbo, mhedziso iyoyo payakabata, zvino pakupedzisira akatanga kunzwa kusunga kwetambo kuchiwedzera. Yakange yakaregedzeka, ichindeya-ndeya, asi yakatanga kusunga zvakasimba. Zvino Mweya ndokuuya paari. Zvino akasimuka, nokuti muporofita, zvino akati, “Ndinoziva kuti Mudzinkinuri wangu anorarama.” Ameni. Maona? Akanga azvisungirira zvakasimba pamhedziso yake. Akanga abatana nayo. Aiziva kuti akanga aita zvaive zvakanaka, uye rimwe zuva aitofanira kuzvikwevera kwairi. “Ndinoziva kuti Mudzinkinuri wangu anorarama, uye nemazuva ekupedzisira, Anomira panyika ino. Kunyange kana honye dzemunyama dzikaparadza mutumbi uno, zvisinei munyama yangu ndichaona Mwari.” Akabva aziva ipapo. Mhedziso yake yakabva yabata.

⁷⁶ Abrahama, mhedziso, achibva zasi kuBhabhironi, kubva pashongwe, uye achibuda kunopinda muShinari, uye kunze

ikoko kwaakanga achigara nababa vake, uye zvichida akanga ari murimi. Asi rimwe zuva, kumashure-shure mumasango pane imwe nzvimbo, zvichida achitanha michero, kana—kana kuenda kundouraya mhuka yenyama yake; uye pane imwe nzvimbo kumashure mukati imomo, Mwari vakataura naye, paakanga ava nemakore 75. Zvino akanga ari... Iye nemudzimai wake, Sara, iye aine makore 65, akange asina mwana—asina mwana. Vakanga vasina kana vana. Zvino Mwari vakamuudza kuti, “Uchava nemwana naSara. Asi, kuti uite izvi, unofanira kuzvipatsanura.”

⁷⁷ Vimbiso dzaMwari dzinogara dzine zviga. Unofanira, zvamazvirokzwavo... Zvisinei nekuti unotenda zvepamavambo zvakadini maringe nevimbiso, zviri pasi pezviga, nguva dzose. Taigona sei kumira pano tofamba nemuGwaro iroro, seri nekuseri, kwemaawa, munoono, kuti mamiriro acho ndiwo anoreva chimwe chinhu. Unogona kuve anoita zvepamavambo sezvaungada, asi zviri pasi pezviga kubudikidza nevimbiso, kufanotemerwa, nezvimwe zvakadaro. Cherechedzai.

⁷⁸ Zvino, “Abrahama, akatenda Mwari, uye zvikaverengerwa kwaari kuti kururama.” Zvino, chinhu chi—chinotyisa sei chachingave kusangana nenyika ya—yakabudirira, murume ane makore 75 ekuberekwa, nemudzimai 65, uye vaine vagara vese kubva pavakaroorana vari vechidiki, nekuti aive hanzvadzi yake ari mwana wababa naamainini, uye zvino achizova nemwana naye. Asi akanga ane mhedziso. Hapana chinhu chaizomuzungunutsa.

⁷⁹ Zvino apo, mwedzi wekutanga, zvisina kuitika, mhedziso yake yakabata, nokuti aiziva kuti akanga ataura naMwari. Mwedzi wechi 2, gore rechi 2, gore rechi 10, uye pamakore 25 akatevera, paakanga ava ne100, uye Sara aiva ne 90, mhedziso yake yakaramba yakabata.

⁸⁰ Uye Bhaibheri rakati, pakanyorwa nhoroondo yake, Akati, “Abrahama haana kudzedzereka pavimbiso yaMwari, kubudikidza nekusatenda, asi aive akasimba, achipa rumbidzo kuna Mwari.”

⁸¹ Sei? Makambofunga kuti sei? Akanga ane chokwadi, chamazvirokzwavo. Uye chinhu chega chaaifanira kuita kwaiva kuzvipatsanura kubva kuvanhu vake. Zvino Mwari havana kumbomuropafadza kusvikira azviita. Akatora baba vake. Baba vake vakafa. Akatora Roti. Zvino apo, mushure mokunge Roti aparadzana naAbrahama, Mwari vakabva vauya kwaari, vakati, “Zvino famba nemunyika.” Maona?

⁸² Kuteerera, vimbiso, iri pasi pezviga, nguva dzose zvinoenderana naMwari neShoko raVo. Zvino tarisai kune...

⁸³ Ngatitorei Mosesi. Mosesi, mu—muporofita-muranda akanga atiza, wekuti Mwari vakanga vamusimudza uye vakamudzidzisa mumuzinda waFarao. Zvino—zvino Mosesi

akabuda nedzidzo yake yebhaibheri, uye akanga ari munhu wokutanga waakauraya. Zvino, mhosho diki yokutanga payakauya, ipapo Mosesi akatya zvokunge achafa.

⁸⁴ Sei? Akanga asina mhedziso. Aive nehuchapupu hwaamai vake—vake chete hwekuzvarwa kwake. Akanga ari mwana asinganzwisisike. Aive neshoko raamai vake nezvazvo. Akanga ane mipumburu iyo Mwari zvichida vakanga vanayo mupepa pane imwe nzvimbo, yavakanga vanyora, ndokuitakura pamwe chete navo, yokuti Mwari vaive vari kuzoshanyira vana vaVo. Akaziva kuti ndiyo yaive nguva yacho.

Sezvatinoita zvino, tinoziva kuti chimwe chinhu chiri kuda kuitika.

⁸⁵ Zvino, Mosesi akaziva kuti ndiyo yaive nguva yacho, uye aiziva kuti ndiye akanga asarudzirwa izvozvo, asi akanga asina mhedziso. Maona?

⁸⁶ Zvino rimwe zuva, kuseri kwerenje, paakanga arasikirwa nechiratidzo, Mwari vakazviratidza kwaari, mugwenzi raipfuta. Zvino Vakati, “Mosesi, Ndaona kutambudzika kwevanhu vaNgu. Ndanzwa kugomera nokuchema kwavo, kwavanorangwa navatariri vebasa ivavo. Uye Ndaranganira vimbiso yaNgu. Ndaburuka kuzovadzikingura. Zvino enda zasi kuEgipita.” Oo, ini zvangu!

⁸⁷ Mosesi akati, achinyunyuta, achiti, “Handitauri zvakanyatsonaka. Rudzikinuro rwangu—rwangu haruna harwuna kunyatsonaka. Havazonditendi.”

Vakati, “Chii chiri muruoko rwako?”

Akati, “Tsvimbo.”

⁸⁸ Vakati, “Ikande pasi.” Yakashanduka kuva nyoka. Vakati, “Inhonge nemuswe.” Ikadzoka zvakare kuva tsvimbo. Vakanga vachimupa chivimbo, kusimbiswa.

⁸⁹ Kana Mwari vakapa mhedziso, Vanopa chisimbiso chemhedziso iyoyo, nguva dzose.

⁹⁰ Zvino Mosesi, paakanga ari zasi ikoko, zvino akakandira pasi tsvimbo yake pamberi pen’anga naFarao, uye n’anga dzikakandirawo tsvimbo dzadzo pasi zvakare, Mosesi haana kumbomhanya uye akati, “Oo, zvinoka, ndanga ndichikanganisa. Aa, rinongori shiripiti ren’anga rakachipa, uye pamwe ndakanganisa.”

⁹¹ Asi aiziva. Akanga ane chokwadi chokuti akasangana naMwari, zvino akaramba akamira. Ngatiti akanga aita chaizvo zvaakaudzwa naMwari kuti aite. NaJobhowo zvakare akanga aita chaizvo zvaakaudzwa naMwari kuti aite. Mosesi akanga atevera mirairo yaVo. Zvino, ramba wakamira ugoona kubwinya kwaMwari. Mosesi akanga akasungirirwa kumhedziso yake, kutumwa kwake, uye akaramba akamira. Uye paakadaro,

nyoka yake yakamedza dzimwe nyoka dzose. Maona? Akanga akasungirirwa kumhedziso iyoyo.

⁹² Mwari vakati, “Kana wavadzikanura vana ivavo, uchaNdinamata zvakare pagomo rino.”

⁹³ Zvino, muvengi, nenzira dzose dzaanogona nadzo, achaedza kukubvisa pamhedziso iyoyo.

⁹⁴ Pavakatanga chaipo kubuda muEgipita, vakaiswa mukona chaimo pakamanikana pe-peGungwa Dzvuku, makomo ari kumativi ose. Vakauya nomumupata, zvino hapo paiva neGungwa Dzvuku. Pasina nzira yekutiza nepamusoro pezyikomo, pasina nzira yekutiza neuku, uye mauto aFarao achiuya neuku. Inzvimbo yakadini yokumira!

⁹⁵ Unoona here kuti dhiyabhare anokuisa sei munzvimbo yausingazive zvekuwa? Asi rangarirai, kana wakasungirirwa kumhedziso iyoyo, zvatoita.

⁹⁶ Mosesi aiziva kuti Mwari vakamuvimbisa, kuti, “Uchanamatira pagomo iri kana wavabuditsa. Uye Ndadzika, neruoko rwako, kuzovadzikanura nekuvaisa kune imwe nyika yacho.” Akaramba akagara nazvo. Zvino Mwari vakatumira mhepo yekumabvazuva ndokufuridza mvura, kubva zasi kwegungwa, ivo ndokufamba vachidarika napanyika yakaoma. Mhedziso!

⁹⁷ Tinogona sei kufamba nemuMagwaro: Dhanieri, mhedziso yake; Shadhireki, Misheki, naAbhedhinigo, mhedziso yavo; Dhavhidhi, mhedziso yake; vose, mhedziso.

⁹⁸ Pauro aivawo nayo, zvakare, iyo yatiri kuverenga nezvayo. Aiva nekudanwa kwakanangiswa pana Kristu, uye ndiyo yakanga iri mhedziso yake. Ndicho chikonzero akanga asingatyi zvaizotaurwa naAgripa. Akamira ipapo, uye Agripa akanga ari muJudha, sezvatinoziva. Zvino saka zvino kana akamira pamberi pemadzimambo aya nezvimwe, Mwari vakanga vatomuudza kare kuti aizomira ipapo. Saka, aive nemhedziso, saka akataura chiratidzo chaicho cheKudenga. Akati, “Ini handisi... Handina kurega kuchiremekedza. Ndaive... Handina kuchifungira zvisizvo. Handina kuzvibata zvisizvo.” Asi akabatirira kwachiri, uye haana kusateerera. Akachiita, kusvikira kumagumo, nokuti chakanga chiri mhedziso.

Zvino chero hupenyu hwakanangiswa pana Kristu, ndiyo mhedziso yako.

⁹⁹ Zvino, kubvira zvaakasangana naYe, chiso nechiso, ari munzira yekuDhamasiko, izvozvo zvakareva zvakanyanya kuna Pauro.

¹⁰⁰ Zvino, rangarirai, akanga ari mudzidzi, kumashure kwacho. Akanga ari murume mhare paMagwaro. Asi akange asina chero hoko ipi zvayo kunze kweSanihedhirini yaizomutsigira, ne—negwaro refundo kubva kumudzidzisi mu—mu—mukuru.

Akanga ari munhu mukuru mubasa rake. Asi aive achiratidza, chinhu choga chaaiva nacho, mhedziso yake yaizongova yakasimba sezvakanga zvakaita sangano rake. Ndiko kusimba kwega kwaaignona kuva. Uye aishanda akatendeka kune izvozvo, uye aitora Makristu, uye achivasunga, nekuvavahiringidza, uye kunyangwe kutotaka Stefano namabwe.

¹⁰¹ Ndinofunga kuti, pamberi apo muhupenyu hwake, chikonzero chaakaendera kuJerusarema, muporofita paakamuudza kuti, “Usaende kumusoro ikoko, Pauro, nokuti ngetani netorongo zvakakumirira”:

¹⁰² Zvino Pauro akati, “Ndinozviviza! Asi handisi kungoenda kuJerusarema sechapupu, asi, ndiri kuenda ikoko, ndakagadzirira kufira Jesu Kristu.” Nokuti akanga achiziva zvaakanga aita, uye vavariro yake yakanga iri yokusimbisa huchapupu hwake neropa rake pachake, ave anofira chitendero, nokuti akauraya mumwe wevakafira chitendero waMwari.

¹⁰³ Uye zvino akanga ari munzira yake achidzika kuDhamasiko, nedzidzo yake yose. Akagara pasi pemudzidzisi mukuru uya, Gamarieri, uye kuti akanga akadzidziswa sei muchitendero chose chechiJudha. Asi zvakadaro, nezvoze izvozvo, akanga ane hutera, uye akanga asina kukwanisa kwekuita zvimwe zvinhu. Zvino kamwe-kamwe, pakava neChiedza, nekutinhira, pamwe, nebhanan’ana. Zvino akarohwa, ndokuwira pasi.

¹⁰⁴ Zvino akatarisa kumusoro. Paiva neChiedza chaipenya, icho chakapofomadza maziso ake. Uye chaiva chinhu chinoshamisa zvakadini. Hapana mumwe akaona Chiedza chacho, kunze kwaSauro chete. Chakanga chavimbiswa kwazvo, chiru chemazyirokwazvo chaizvo kwaari, kusvikira Chakapofomadza maziso ake. Aisakwanisa kuona. Ari bofu zvachose, neShongwe yeMoto iyoyo ichimupisa kumeso chaiko. Zvino akanzwa Inzwi richiti, “Sauro, Sauro, unoNditambudzireiko?”

Akati, “Ishe, ndiMi Ani?”

¹⁰⁵ Zvino Akati, “Ndini Jesu. Uye zvinokuomera kuti ukave zvibayo izvi. Simuka zvino, uende muDhamasiko, uye ikoko mumwe achatumirwa kwauri.” Zvino paakasimuka kubva ipapo...

¹⁰⁶ Zvino kwakanga kune mumwe, muporofita, zasi muguta, akaona muchiratidzo paakanga achinyengetera, zvino akauya. Ananiasi akauya, ndokupinda maiva naSauro. Akaturika maoko ake pamusoro pake, zvino akapodzwa nokupodza kwaMwari. Akasimuka ipapo, akabhabhatidzwa, achisuka zvivi zvake, achidana pane Zita raShe. Zvino ipapo akabva ava nemhedziso. Haana kuzombova mumwe chete mushure maizvozvo. Akananga, achibva kune imwe chechi achienda kune imwe chechi, kubva pane imwe nzvimbo kuenda pane imwe nzvimbo, achiedza kuvakiridza icho chaakanga aedza kuputsira pasi.

¹⁰⁷ Zvokuti nyika, zvokuti nyika yeMakristu, mangwanani ano, inoda mhando yeMhedziso yakadaro sei. Avo vai...?... zvitendwa netsika, zvakaedza, nedzidziso dzevanhu, kuramba Shoko raMwari pakuva rimwe chete zuro, nhasi, nokusingaperi. Vanoda mhedziso, chiitiko chekusangana, munzira yekuDhamasiko, Mwari mupenyu Anokwanisa kupodza vanorwara, nekumutsa vakafa, nekudzinga madhimoni. Mhedziso yechokwadi!

¹⁰⁸ Pauro akaziva kuti chimwe chinhu chakaitika. Paiva pasina munhu aigona kumutorera ichocco. Hapana chimwezve chaiva nebasu. Aive akasungirirwa, uye ndizvozvo. Zvisinei kuti chii chauya, aiziva kuti akanga akasungirirwa, hupenyu hwakanangiswa pana Kristu. Oo!

¹⁰⁹ Hupenyu hwaaiive orarama hwaive hupenyu hwakasiyana. Zvino, rangarirai, akanga ari munhu ainamata.

¹¹⁰ Uye kune vamwe venyu vanhu mangwanani ano (uye ndinoziva kuti munocherechedza kuti tepi ino iri kugadzirwa, icharira munyika yega-yega iri pasi pematenga, tingati, kwese pasi rose); uye vamwe venyu vanhu vari pano, vatoripo; uye nevamwe venyu kunze uko kucharidzwa matepi kune dzimwe nyika (nemuturikiri achiipa kumarudzi emuAfrica, kumashure uko kumaHottentoti, ne-nekwese hako); uye kwamuri imi vatungamiriri vezvinamato vachangobva kuwana dzidzo yeBhaibheri:

¹¹¹ Makaiwana kubva pamuono wenhoroondo, uye muchikwanisa kutsanangura zvinhu zvese izvi, asi kana usina mhedziso, usina chi—chiitiko, uye kana chiitiko ichocco—ichocco chaunoti unacho chichikuita kuti urambe kuti Shoko roga-roga re*iRi* haritongori chaizvo rechokwadi kuChechi nhasi sezvaRaimbova, uye uri kuvimba nedhigirii rako reBachelor of Art kana chero chaungave nacho, kana uchivimba nepfungwa dzesangano rako dzinoti, “Mazuva ezvizhamiso akapfuura, uye hatina kupodza kwaMwari, uye rubhabhatidzo rweMweya Mutsvene serwavakagamuchira paZuva rePentekosti harwusi rwevanhu nhasi,” kana zvirizvo zvoga zvaunazvo, hama yangu inokosha, hanzvadzi, unoda chiitiko chemunzira yekuDhamasiko!

¹¹² Unofanira kusangana naMwari mupenyu uyu, apo iwe, kwete chete mufungo wengano mupfungwa dzako, kwete kumwe kubvunda-bvunda, kana imwe mhando yekutekenyedzwa, asi kwakadzidzisa pamwe nechiitiko chemazvirokwazvo, chechokwadi. Jesu mumwe chete akafamba muGarirea ari kurarama nhasi, uye mupenyu nokusingaperi. Uye ndiYe mumwe chete zuro, nhasi, nokusingaperi. Mhedziso, yokuti hausungirwe kutora zvakataurwa nechero mumwe munhu. Unozvizivira pachako, kwete kumwewo kutekenyedzwa.

¹¹³ Uye kana kutekenyedzwa kwawakava nako, uye mumwe munhu, kunogona kunge kwaive kutekenyedzwa chaiko kwemuBhaibheri, zvino mumwe munhu akaedza kuzvitsanangura zvisizvo kwauri, achiti zvinhu izvozvo zvaiva mune rimwewo zuva. Chenjera. Ichokwadi. Chenjera. Asi pane nzira yokuziva nayo. Zviyedze neShoko. Ndiyo purani yacho.

¹¹⁴ Kana imba ikavakwa zvinopesana nepurani, muvaki achaiputsira pasi oivaka patsva. Asi inofanira kuenderana nepurani.

¹¹⁵ Hazvinei kuti chii chakko chii, zvino, kana chimwe chinhu mauri chikakuudza kuti Bhaibheri iroro harisi rechokwadi, kuti simba iroro raMwari, vaapostora, vaporofita, nevadzidzisi, nevafudzi, nezvipo zveMweya hazvingori zvimwe chete sezvazvaive pazvaiyerera nemuvaapostora ivavo paPentekosti, pane chimwe chakatsveyama nemhedziso yako, inofanira kusungirirwa kuchitendwa chesangano pachinzvimbo cheBhaibheri raMwari, paAkati, "Zvose matenga nenyika zvichapfuura, asi Shoko raNgu harizombokundiki." Tarisa kuti mhedziso yako chii.

¹¹⁶ Unogona kuva nechokwadi chaicho chekuti uri mukuyanana kwakanaka nemufundisi. Uye unogona kuva nechokwadi chaicho chekuti uri mukuyanana nemukuru wedunhu. Uye unogona kuva nechokwadi chaicho chekuti uri mukuyanana nabhisopi kana mumwewo munhu mukuru muchechi yako. Asi kana usiri... Mhedziso yako haasi Jesu Kristu.

¹¹⁷ "Nokuti paDombo iri Ndichaisa Mhedziso yaNgu, uye masuwo egehena haangaikundi." Chizaruro chepamweya chekuti iYe ndiAni, uye nekuziva! Zvakanaka. Oo!

¹¹⁸ Zvino, kana waita saPauro, wova nemhedziso imwe chete yaaiva nayo, hupenyu hwakanangiswa pana Kristu hupenyu hwakasiyana nehwawaimbova nahwo. Uye hunogona kunge huri hupenyu hwekunamata kwakanyanya hwawakararama.

¹¹⁹ Oo, ndakanzwa vanhu vachiti, "Zvino, vanonamata zvikuru." Izvozvo hazvina chinhu chimwe chekuita nazvo.

¹²⁰ Ndichangobva kuona zvitendero zvakawanda, vakazvipira zvikuru, nguva zhinji vakaperera kupfuura zvinotaurwa nevanhu veChikristu nhasi. Apo, amai vanogona kutora mwana wavo mudiki, akafuta, mutema, akada kureba zvakadai, uye vomukandira mumuromo wegarwe, nokuda kwerudo rwavainaro kuchimwari chavo. Ndinoshaya kuziva kuti Chikristu chakaperera zvakadini. Apo, munhu anogona kuzvirwadzisa nenzira yekuti, anopinza 1,000 zviredzo munyama yake, saizvozvo, zvakarembera nemabhora emvura, zvichimutsimbirira pasi sezzivzi, uye ofamba nemumuhwezva wemoto, kubva pano kusvika kumagumo kwetabhenakeri iyo, achienda nekudzoka, uye iwo uchipisa zvakanyanya, uchipumhwa saizvozvo, nokuda kwechibayiro chamwari wake,

chifananidzo ipapo chine meso erubhi machiri, nezvimwe zvakadaro. ndinoshaya kuziva kuti Chikristu chiripi. Uh-huh. Uh-huh. Saka usafunga kuti “kuperera.” Kuperera hakusi iko. Kuperera kwakanaka kana kukaiswa pachinhu chaicho.

¹²¹ Sachiremba achipa mushonga. Anogona kukupa arsenic, akaperera, uye anogona kukupa sulfuric acid, akaperera. Unogona kuwana mushonga wakagadzirwa zvisizvo, uye unogona kuutora mukuperera, asi izvozvo hazviponese hupenyu hwako. Maona? Kwete, changamire. Unofanira kuziva zvauri kuita. Uye chero chipi chinopesana neShoko raMwari, handina basa kuti chii, uye kuti chavepo kwenguva yakareba sei, chichiri chakaipa.

¹²² Petro akavapa gwaro remushonga rachiremba raZiyendanakuenda pazuva rePentekosti. Akati, “Tendeukai, mumwe nomumwe wenyu, uye mubhabhatidzwe muZita raJesu Kristu kuti muregererwe zvivi zvenyu, uye muchagamuchira chipo cheMweya Mutsvene. Nekuti gwaro remushonga iri nderenyu, nekuvana venyu, uye nekune avo vari kure, kunyangwe vose vachazodanwa naIshe Mwari vedu.” Ndizvozvo. Igwaro remushonga rachiremba raZiyendanakuenda.

¹²³ Zvino, mumwe mugadziri wemishonga wekunyebedzera anogona kuutora iwoyo akakuuraya. Hongu. Zvirokwazvo. Munoziva, mune muchetura wakawanda kusvika pane chimwe chiyero mumushonga wekurapa, wekuuraya hutachiona, uye chi-chiremba anoziva kuti wakawanda zvakadii unokwanisa, muviru wako waunogona kutora. Kana akaisa muchetura wakawandisa, unokuuraya. Kana usina unonyatsokwana wacho, zvino ungaitei? Hazvina zvazvinokubatsira kuti utore mushonga wacho. Anoziva unokwanisa kutorwa nemuviri wako.

¹²⁴ Zvino, ndizvo zviri gwaro remushonga rachiremba raMwari. Zvisinei nekuti mumwe munhu anoti zvinofanira kuitwa nenzira *iyo*, kana nenzira *iyo*, usazvitenda. Kana ukatevera Shoko nemomemo chaimo, ndizvozvo. Batirira paRiri. Zvino, tine...avo vanoti, “Unofanira kusaswa.” Vane ivavo. Saka, “Unofanira kushandisa madunhurirwa aBaba, Mwanakomana neMweya Mutsvene.” Hakuna zvinhu zvakadaro muBhaibheri. Hakuna nzvimbo yakadaro yakambobhabhatidzwa chero munhu, muBhaibheri, neimwe nzira ipi zvayo kunze kweZita raJesu Kristu. Idzidziso yakawedzerwa mukereke yeRoma Katorike, inofambiswa ichidzika kubudikidza netsika. Tichazvirova izvozvo manheru ano.

¹²⁵ Asi cherechedzai, pakati pazvose izvozvo, gwaro remushonga rinoramba riripo. Ndicho chikonzero tine vana vakawanda kwazvo vanorwara, nokuti havasi kuteerera kune zvakataurwa naChiremba. Mhedziso, kana wakasungirirwa kune iYoyo, ndizvozvo. Ndiro Shoko raMwari. Harigoni kukundikana.

¹²⁶ Hupenyu hwakanangiswa pana Kristu! Kuva vanonamata zvakanyanya, asi hwaisava hwakanangiswa pana Kristu. Vazhinji-zhinji vedu tine izvozvo nhasi.

¹²⁷ Uye kana wawana hupenyu uhu hwakanangiswa pana Kristu, hunokuita kuti uite zvinhu zvausingaite mazuva ese. Hunokuita kuti uzvibate zvakasiyana nezvaungaita mazuva ese. Handirevi kuita zvoupenzi. Ndinoreva kuita muMweya, chimwe chinhu chemazvirokhwazvo, chimwe chinhu chinova chechokwadi. Zvino kana ukaona mumwe munhu achiita zvoupenzi, unoziva kuti vari kungoita chimwe chinhu chekunyepedzera. Vari kungoyedza kutevedzera kune chinhu ichocho chechokwadi.

¹²⁸ Ukaona dhora renhema, rangarira kuti pane dhora rakanaka rarakagadzirwa kubva kwariri. Maona? Kana ukaona chenhema, zvamazvirokhwazvo mumvuri wechimwe chinhu chechokwadi. Ndechimwe chinhu icho—icho chiri chechokwadi, chachakakopwa kubva pachiri.

¹²⁹ Cherechedzai, inokuita kuti uite zvinhu zvausingawanzoita. Oo, ndechimwe chinhu. Une chokwadi. Une chokwadi chaicho nazvo, kana wawana mhedziso iyi. Une chokwadi nazvo. Hautore chinova chiitiko chemumwewo munhu.

¹³⁰ Ndicho chikonzero Chikristu chaita sevana vadiki vari muBhaibheri, kana kuti, uye kwete, ndiregerereiwo, vana vaduku vari muchikoro. Vanoedza kukopana. Zvino kana muchinda iyeye akakanganisa, chinhu chacho chose chakanganisa. Maona? Une boka ravo vose vakanganisa. Oo, ini zvangu! Usatevedzera. Sangana naYe, iwe pachako.

¹³¹ Shamwari yangu yakanaka, yakamira kumashure kuno, ndewekare...mwanakomana weshamwari yangu, shamwari yehupenyu hwese, Jim Poole mudiki. Handiti, ini nababa vake takakura pamwe chete kuchikoro. Uye, oo, muchinda akanaka kwazvo! Ini naJim mudiki tiri kugara tichinamata kuti Jim mukuru ave Mukristu, mutendi chaiye. Zvino ini naJim muduku taitaura nezuro pamusoro pepatakanira Mwari musango uye tikaVaona muvisikwa. Ndiko kwaunoVawana. Nokuti, ndiVo Musiki, uye Vari muvisikwa zvaVo.

¹³² Uye ndinorangarira, ini naJim taienda—enda, taida kuenda kunovhima. Zvino husiku pahwakasvika, zvino, taisienda zasi, totora mabhasikoro edu, tochovha tichinyatsodzika nemugwagwa uyu apa, tichitya zvikuru kupfuura nekumakuva mushure mekunge kwasviba, uye toenda zasi kunozviwanira ice cream yekoni.

¹³³ Zvino Jim aifarira kutamba mutambo wepool. Zvino, taingova vakomana, vane makore 10, 12, 14 ekuberekwa. Uye zvakare Jim aifarira kugara pasi achiverenga mabhuku enyaya dzekuvhima nekuteya.

¹³⁴ Zvino ndaigara zvangu ndichifunganya zvangu. Maona? Pamusoro pe... Uye zvino vamwe vevakomana vacho vanogona kundiona. Zvino ndaiona kamwe kachitangwena kadiki pane imwe nzvimbo. Ndaisiti, "Vakomana, chingava chitangwena chakanaka chokuva nacho mumakomo." Uye ndaigara ndichirota kuti rimwe zuva ndaizozviwanira chitangwena mumakomo, boka guru reimbwa dzekuvhimisa, ne—nepfuti. Uye ndaigara ndichifunga, "Dai ndaigona kuva ne .30-30, imwe yenguva yangu." Ndakafunga, "Ko ndingagozova nepfuti diki ye .30-30 chirudzii?"

¹³⁵ Uye rimwe zuva, ndakamira, ndakatarisa pamadziro angu, uye ndichiona ipapo dzimwe dzepfuti dzakanakisia dzinogona kuwanikwa, ndakafunga, "Nyasha dzinoshamisa."

¹³⁶ Ndakafunga, "Ndichazvidzidzisa kupfura, uye kupfura zvakanaka. Uyezve zvichida imwe nguva ndoita kuti, nditore rwendo kumakomo, mumwe muvhimi akanaka achanditora oenda neni. Kungoita sekunge... Nekuti, angada kuchengetedza hupenyu hwake, pamwe, kubva kuchitsere chiru kuuya kuzorwisa. Anenge asina chokwadi chaicho. Mumwe murume mupfumi, aizonditora achienda neni, kungoenda pamwe chete naye, ndakaita semurindi. Zvichida rimwe zuva ndaizosvika pakunovhima muAfrica, semurindi. Dai ndaingodzidzira! Ndicho chinhu chega chandinogona kuita kudzidzira kuve mupfuri anogona, anopfura zvakadzikama."

¹³⁷ Oo, ndakafunga, "Mwari, chimbofungai, pekuti iMi monditendera kuti ndivhime, pasi rose." Chinhu chakanakisa zvakadini!

Jim aigara uye overenga bhuku. Ndikati, "Jim..."

Iye akati, "Ndi—ndinofarira kuverenga nevvazvo."

¹³⁸ Ndakati, "Jim, ndizvo zvakaitwa nemumwe munhu. Ndinoda kuzviita, ini pachangu. Ndinoda chiitiko chacho." Pandakauya kuna Kristu, handina kukwanisa kutora chiitiko chemumwe munhu. Ndaichida, ini pachangu.

¹³⁹ Ndinorangarira pandakaverenga *Lone Star Ranger* yaZane Grey. Ndakatyora mabburumu 2 kana 3 aamai, ndichitenderera nemba ndakaatasva, ndichimhanya, pandaiva pabbiza rebhurumu iri. Nda—ndakaverenga nyaya iya ye—ye *The Lone Star Ranger*, kuti akaunza sei nduramo kunzvimbo yeBig Bend.

¹⁴⁰ Ndiakavba ndaverenga nyaya yengano yaEdgar Rice Burrough yaTarzan, *The Apes*. Amai vaiva nechiragi chemvere chekare, ragi redehwe reseal, kana chimwewo, iro vakapihwa naMai Wathen kubva mumoto. Zvino raigara mukamuri yavo, zvino nda—ndakaburitsa ragi riya. Amai vanga vagara vaziva zvavo kuti mhepo haina kuripeperetsera panze. Zvino ndakariburitsa, ndokuricheka, ndokuzvigadzirira nguwo yaTarzan, ndokugara mumuti. Nda—ndakagara hafu yenguva

yangu mumuti, kunze ndakapfeka nguwo yaTarzan iyi. Nokuti ndakanga ndaona zvaakanga aita, ndaida kuzviitawo.

¹⁴¹ Asi rimwe zuva, nenyasha dzaMwari, ndakawana Bhuku chairo, Bhaibheri. Rwiyo rwangu nenyaya yaive yekuti, "Kuva saJesu, panyika ndinoshuva kuva saYe." Handidi kuva bhishopi kana—kana mumwe muchinda mukuru muchechi, mumwe papa kana muprisita. Ndinoda kuva saJesu. Mhedziso, inokuita kuti uve wakasiyana. Pane chimwe chinhu nezvazvo, kuverenga Shoko raKe, uye chimwe chinhu mumwoyo mako, unoshuva kuva saYe. Une chokwadi.

¹⁴² Zvakafanana, neMhedziso kuna, Kristu, Mhedziso kuMukristu, yakafanana ne, Iyo—iyo yakafanana nehoko muchikepe. Hongu. Iwe—iwe unofanira kuva nemhedziso. Zvino kana Kristu ari Mhedziso yako, zvakafanana nehoko. Kuti, kana iwe... Gungwa riine mafungu makuru, uye ngarava yava kuda kunyura, uye, iwe, tariro imwe chete yaunayo, ndeiyo, dzikisa hoko. Uye zvakare kana chikepe chichitomuka-tomuka, munoonaa, iyo, hoko inobata chikepe. Munoziva, tine rwiyo, ndakanganwa zita remunyori wacho zvino, asi, *Hoko Yangu Yakabata*.

¹⁴³ Semukomana mudiki, sezvatakafunga kakawanda, achibhururutsa kaiti yake. Hapana chawaiona, asi aive netambo. Zvino mumwe murume akapfuura nepo ndokuti, "Uri kuiteiko, mwanakomana?"

Akati, "Ndiri kubhururutsa kaiti yangu."

Akati, "Chii chaunacho muruoko rwako?"

Akati, "Tambo."

¹⁴⁴ Akati, "Kaiti yacho iripi?" Akati, "Handiione. Asika, unoziwa sei kuti uri kubhururutsa kaiti?"

¹⁴⁵ Akati, "Ndinokwanisa kuinzwa. Iri kugwinha-gwinha." Maona? Kwakaperera tambo iyoyo, kwakanga kune mhedziso. Kune nzira yake diki, kaiti iyoyo yaiva mhedziso yake, saka aigona kuti aibhururutsa kaiti. Kunyangwe akange asingaione, asi aive akabata, chimwe chinhu, chakanga chakaibata.

¹⁴⁶ Ndiyo nzira iyo munhu, kana achinge azvarwa patsva neMweya Mutsvene, akabata chimwe chinhu chine hoko kunze uko, uye madutu haamuzungunutse. Anoziva kuti zvakamuringanira. Akasungirwa pahoko. Zvakanaka.

¹⁴⁷ Zvino, kana tiri muigwa redu diki, tichiyangarara nepamusoro penyanza huru yehupenu yakadzikama, sezvakataurwa nemudetembi mukuru, kuti:

Hupenu hausi hope dzisina maturo!
Uye mweya unorara wakafa,
Uye zvinhu hazvisi sezvazvinoratidza kuva.

Hupenyu ndehwemazvirokawazvo! Uye
 hupenyu hunorevesa!
 Uye guva handiwo magumo ahwo;
 Nekuti uri guruva, uye kuguruva unodzokera,
 Hazvina kutaurirwa kumunhu wemukati.

¹⁴⁸ Oo, ndinofunga kuti zvakanaka kwazvo! Zvino, Longfellow akanyora, *Pisarema ReHupenyu* iroro. Maona?

Uri kufamba nechikepe napamusoro penyanza
 huru yakadzikama yehupenyu,
 Kuhama yakasuwa uye yakaparadzirwa
 chikepe,
 Mukuona, ichakurudzirwa zvakare.

¹⁴⁹ Maona? Zvino takwira, tichifamba nechikepe panyanza huru yehupenyu yakadzikama, pamwe naKristu, kuchikepe pamusoro pemadutu enguva. Kana madutu achiwedzera, uye achikandira kwese-kwese, Ndinofara kuti ndine hoko inobatirira mukati mechidzitiro mhiri uko, pane imwe nzvimbo. Kunyang'e rufu pacharwo harugoni kukubvisa kwairi. Wakasungirirwa kumhedziso yako. Kristu ndiy'e Hoko yedu. Iye chii? Iye iShoko. "Pakutanga Shoko rakanga riripo, uye Shoko rakanga riri kuna Mwari, uye Shoko rakanga riri Mwari. Zvino Shoko rakaitwa nyama, ndokugara pakati pedu."

¹⁵⁰ Zvino, kana tichiziva kuti zviito zvedu zvinonyatsoenderana neShoko, tinoziva kuti dzidziso yedu yakakwanirana neShoko, tisingawedzeri chinhu kana kubvisa chinhu, ringori Shoko bedzi. Uye tinoona zvibereko zvimwe chetezvo, izvo vamwe vakabatirira kuShoko rimwe chete, richirarama muhupenyu hwedu, zvino hoko yako inobata. Hupenyu hwaKristu huchiburitswa patsva nenzira yakada kunge yemunyama, kubudikidza nemauri, sezvahwkanga huri muna Kristu, nekuti, "Vakanga vari Mwari muna Kristu, vachizviananisira nyika kwaVari." Uye unoona Mwari mauri, vakabata hwaro humwe chete ihwohwlo paShoko, chaizvo-izvo zvakaitwa naJesu. Unoona hupenyu hwaKe. "Mabasa aNdinoita munooaitawo zvakare, uyo anotenda." Kwete uyo anotenda zvekabanga, uyo anofunga kuti anotenda, asi, "Uyo anotenda." "Uyo anotenda maNdiri, mabasa aNdinoita achaaitawo zvakare." Sei? Akasungirirwa paDombo rimwe chete. Dombo raiva chii? Shoko, nguva dzose. Wakasungirirwa ipapo. Ndiyo Nyeredzi yako yekuchamhembe kana warasika uri pagungwa.

¹⁵¹ Munoziva, tine nyeredzi dzakawanda, asi pane nyeredzi imwe chete yechokwadi, isingatsukunyuke. Ndiyo nyeredzi yekuchamhembe, nokuti yakanangana nepakati penyika. Zvisinei kuti uri kumashure, kudivi rekumusoro, kana chero kupi zvako kwauri, nyeredzi yekuchamhembe iyoyo inoramba ingori zvimwe chete. Inyeredzi yako yekuchamhembe. Zvino, munona, kune nyeredzi dzakawanda dzinofamba

dzichingoenda pano neapo. Asi kana uri... pagungwa, handiti, chero mufambi wepagungwa upi zvake anoziva, kana muvhimi chero upi zvake anombeya musango, anoziva kuti nyeredzi yako yekuchamhembe ndiyo yako—ndiyo nzvimbo yako. Ndizvo zvoga. Zvino, yakaita sekambasi yako—yako—yako. Kambasi yako hainongedze kuMars, kana Jupiter, kana kumwewo. Ichanongedzera kunyeredzi yekuchamhembe. Sei? Ndiyo mhedziso yako.

¹⁵² Oo, ini zvangu! Cherechedza, mhedziso yako! Oo, ndiri kuzotaura chimwe chinhu! Ndinongochinzwa chichiuya. Cherechedzai. Ndinonzwa manyukunyuku ekunamata panguva ino, nekuti ichi chivimbo. Cherechedzai.

¹⁵³ Kambasi yako inogona bedzi kungonongedzera kunyeredzi yekuchamhembe. Ndiyo nzvimbo yoga yainogona kunongedzera. Kana iri kambasi yechokwadi, inobata panyeredzi yekuchamhembe nguva dzese. Ndizvo here?

¹⁵⁴ Zvino, kana uine Mweya Mutsvene, Unonganongedza kuShoko chete. Haumbofi wakanongedza kusangano. Haumbofi wakanongedza kune chitendwa. Haumbofi wakazvinongedza kune imwe nzvimbo. Unonganongedza wakananga kuShoko. Ndinonzwa kuda kudanidzira. Cherechedzai, nde—nde chimwe Chinhu chiri mukati memunhu, chinotubwaira, paunoona Nyeredzi yako yakamira uko, Jesu Kristu, Shoko. Uye unoona Mweya uri mauri usingaritenderi kuenda kurudyi kana kuruboshwe. NdiWo wega unogona. Wakauya kuzotora zvinhu zvaMwari, nokuzvionesa, nokuzviratidza.

¹⁵⁵ Zvino Jesu akati, “Uchaita zvinhu chaizvoizvo zvaNdinotaura. Uchazarura kwamuri zvinhu zvichauya,” kukuratidzai nguva yacho isati yawkana, zvisati zvasvika pano. Maona? “Uchatora zvinhu zviri zvaNgu uye ugozviratidza kwamuri, uye zvakare Uchakuratidzai zvinhu zvichauya.” Johane 15.

¹⁵⁶ Tinoona kuti Unoratidza zvinhu. Uye Unotora zvinhu zvinova zvaMwari uye wozviratidza kwamuri. Uye Uchazarura kwamuri zvinhu zvakataurwa naJesu. Mamwe mashoko, Uchajekesa chinhu chacho. Isai izvozvo muchikona chaimo, manheru ano, nokuti ndizvo zvatichashandisa, kwechinguva chiduku. Uchiva nechokwadi, wochiita chemazvirokwazvo, unoona, unobva waziva. Kana iwe... Nyeredzi yako yekuchamhembe, inova iyo Shoko, kune chero Mukristu zvake.

¹⁵⁷ Chinhu chipi nechipi chinopesana neShoko! Tarisai. Regai ndikuudzei chimwe chinhu. Nyatsoteererai kune izvi. *Ichi* ndicho chizaruro cheMweya chakakwana, chaMwari, kuda kwaVo, uye noKuuya kwaKristu. Zvino zvose zviri muBhuku *iri* chaimo, zvakakwana. Uye kana chimwe chinhu chikakubvisa pane iRi, rasira kambasi iyoyo kure, nokuti inongori chitendwa. Ingori sanga... Ingori bepa rawakatakura muhomwe yako,

rakarembera mukamuri yako, rakaiswa mufuremu. Chitendwa. Zvino, tsvaga kambasi inokuisa kuShoko. Ameni.

¹⁵⁸ Munocherechedza, chiitiko ichi pachakabata Pauro, akaenda zasi kuEgipita nekuArabia, kune imwe nzvimbo, ndokunonzvera kwemakore 3. Kubwinya! Fiyuu! Aifanira kuva nechokwadi. Zvino wakati aona, Mweya Mutsvene pawakamutungamirira, shoko neshoko, akakwanisa kunyora Bhuku riya raVaHebheru ndokuratidza maJudha iwayo. Zvirokwazvo. Sei? Akanga akanyatsonanga. Kambasi iyoyo yeMweya Mutsvene yakamuisa chaipo paNyeredzi yekuchamhembe.

¹⁵⁹ Zvino, kana uine chimwe chinhu chiri kukudhonza kubva paIri, zviri nani usiyane nacho. Mwanakomana, Inonongedzera kuShoko raKe, uye kuShoko raKe chete, nokuti Mweya Mutsvene wakauya kuzoratidza, kana kusimbisa, zvipikirwa zvalMwari. Hapana chitendwa chichaita izvozvo. Hapana sangano richazviita. Hapana masimba kana chii zvacho chinogona kuzviita. Mweya Mutsvene chete, neShoko. Zvino iWo ndiwo Chizenga.

¹⁶⁰ Zvino, tora tsanga yegorosi, tsanga yakanaka yegorosi, asi hapana chainogona kuita. Yakafa kusvikira chizenga chapinda mairi. Yobva yazobereka tsanga zhinji dzegorosi.

¹⁶¹ Zvino Kristu ndiye Hupenu ihwohwo, mhedziso. Kana gorosi risina mhedziso iyoyo mariri, harife rakamuka. Kana gorosi iroro risina mhedziso iyoyo, ringave rakanaka kwazvo kunze, asi harigoni kurarama, nokuti hapana chinhu mukati chekuraramisa nacho. Asi kana rikawana mhedziso iyoyo, rinogona kutarisa pamberi pevatsoropodzi vese, roti, “Ndichamuka zvakare.” Sei? Nokuti rine mhedziso. Iri mariri. Rinofanira kumukazve. Uye apo iro...“Kana mukagara maNdiri, uye Mashoko aNgu achigara mamuri, chikumbirai chero zvamunoda.” Ndiyo mhedziso iyoyo.

¹⁶² Asi kana uine zvitendwa nezvimwe zvese zvakasungirirwa maRiri, haukwanise kusanganisa mafuta nemvura. Ingozvitora wozvipatsanura chero nenzira yaunoda, hazvimbofa zvakasangana, nekuti mishonga 2 yakasiyana. Uye haukwanise kuita kuti chitendwa neBhaibheri, chinopesana neBhaibheri, kuti zvisangane. Haukwanise kuita kuti sangano nechinamato chakasununguka, kana kuti, ruponeso rwakazvarwa rwakasununguka, kuti zvisangane pamwe chete. Nokuti, zvechokwadi, Mwari vanoshanda bedzi... .

¹⁶³ Ndichazvitura, zvakadaro. Mwari havatyori hurongwa hwaVo. Havakwanisi kutyora, nokuti haVana magumo. Uye ndinocherechedza, munoziva, ini, Zvinoenda nepamberi pevanhu vakawanda. Maona? Asi Mwari havakwanisi kuputsa hurongwa hwaVo. Havakwanisi kuita chimwe chinhu *rimwe*

zuva, uye vochishandurazve, voita chimwe chinhu, vachiti chakaipa zuva *iroro*.

¹⁶⁴ Mwari havashande nemapoka evanhu. Mwari vanoshanda nedungamunhu, nekuti vanhu vane pfungwa dzakasiyana. Akagadzirwa zvakasiyana, pamasikirwo. Mwari vanotofanira kutora munhu iyeye, vomuvhiringidza, nokumudhonza-dhonza, kubva kune zvaari iye pachake, kusvikira Vamuisa muhunhu hwaVo. Maona? Zvino ipapo Mwari vashanda nemunhu iyeye. Tarisai zvichidzika nemumazera ose, Noa naMosesi, vaporofita, pasina kana 2 vavo panguva imwe chete. Mumwe, nguva dzose, nzira yose zvichidzika nemuzera.

Naizvozvo, kana ukati, “Mukuwanda kwekupangwa mazano ndimo mune chengetedzo.”

¹⁶⁵ Tarisai, sezvandakaparidza pano nguva shoma yakapfuura, patabhenakeri, hapo paiva naAhabhu, uye hapo paiva naJehoshafati, zvino vaikwira kuenda Ramoti-Giriyadhi, kunovasunda vachidzokera. Zviri zvepamavambo, vaitonatsa, nyika yaive yavo. Uye mu—muvengi, vaSiria kumusoro uko, vakanga vachizadza dumbu revana vavo negorosi rinofanira kuva reIsraeri. Pfuma yavakapihwa naMwari, saka, pane zvepamavambo, zvairatidzika kuva zvakanaka. “Endai neni, uye toenda kumusoro ikoko, tovasunda vachibva panyika iyoyo.” Zvino, zvinonzwika sezvakanaka chaizvo. Pane zvepamavambo, zvaive zvakanaka, asi pane zviga.

¹⁶⁶ Jehoshafati, ari murume akanaka, akati, “Asi hatifaniri here kubvunza Jehovha?”

¹⁶⁷ Ndizvo, Ahabhu, uya akadzokera shure, akati, “Zvakanaka, chokwadi.” Mutendi wepamuganhu, munoziva. Akati, “Oo, zvirokwazvo, ndingadai ndafunga nezvavzo. Ndine vaporofita vechiHebheru 400. 400 vavo, vandinopa zvokudya, vandinochengeta. Ndivo vakankisisa varipo munyika. Tichavaunza.”

¹⁶⁸ Zvino vose pamwe chete, vari muhumwe, vakati, “Endai kumusoro ikoko. Ishe vanemi.” Pane zvepamavambo, vainatsa, asi vakanga vasina kunge vabata mhedziso iyoyo.

Zvino paakati, “Hakuna mumwevezve here?”

¹⁶⁹ Akati, “Hongu. Pane mumwe, asi ndinomuvenga.” Akati, “Anogara achitaura zvakaipa pamusoro pangu, munoona, anogara achitaura.”

¹⁷⁰ Aizoporofita sei zvakanaka, apo Shoko rose, Eria akanga amutangira, akati kuna Ahabhu, “Imbwaa dzichananza ropa rako”? Zvino, ko muporofita iyeye akasimbiswa aizotaura sei chinhu chisiri kuda kwaMwari? Uye kuti, izvo, “Imbwaa dzaizodya Jezebheri, uye ndove yaizova paminda, saka havaizogona kuti, ‘Hepanoi parere Jezebheri.’” Nechituko

chakadaro pamunhu, chero ani zvake angazoropafadza chirudzii?

¹⁷¹ Ndizvo zvazviru nhasi. Ko munhu angaropafadza sei zvinhu izvi zviri kuendesa vanhu kure naMwari nguva dzese? Pane chinhu chimwe chete chekuita, kana uchifanira kumira wega: kutuka chinhu chacho, muZita raShe, zvino wogara naRo, kana wava nechokwadi.

Unoti, “Zvinoka, Hama Branham, munoita kuti vanhu vakuvengei.”

¹⁷² Mwari vachandida. Ndiyo mhedziso yangu. Haukwanise kuzorora paruoko rwenyama. Unofanira kuzorora paShoko, zvawakanzi naMwari uite.

¹⁷³ Mikaya akaziva sei kuti akanga akarurama? Akamirira. Akava nechiratidzo. Vakava nechiratidzowo, zvakare, asi chiratidzo chacho hachina kuenderana neShoko. Uye nhasi, zvimwe chetezvo. Mikaya akaenzanisa chiratidzo chake neShoko, ndokubva aona kuti iye neShoko vari pamwe chete. Nhasi, kana chiratidzo chako chichipesana neShoko, chisiye, nokuti imhedziso isiri iyo. Mhedziso yaMikaya yainyatsoenderana neShoko, saka aikwanisa kumira oti, iye, zvaataura, uye—uye ozvitenda.

¹⁷⁴ Apo, pavakamurova pamuromo, uye vakati, “Mweya waMwari waenda nenzira ipi?”

¹⁷⁵ Akati, “Uchazoziva kana uchinge wagara mukamuri yemukati.” Ndizvozvo.

¹⁷⁶ Akati, “Kana ndadzoka murugare... Isai murume uyu mujeri romukati-kati, zvino kana ndichinge ndadzoka murugare,” akadaro Ahabhu, “Ndichashanda nemuchinda uyu.”

¹⁷⁷ Oo, zvino, Mikaya, unoti kudii nazvo? Musoro wako uchagurwa kana adzoka. Mikaya akamira ipapo asinganyemwereri sezvakaita Stefano. Ameni. Sekungoda kwakaita Ishe vangu vachienda kumuchinjikwa. Zvakangoreruka sokupinda kwakaita Dhanieri mugomba reshumba, kana kuti Shadhireki, Misheki, Abhedhinigo vakaenda kuvira remoto. Zvemazvirokwazvo! Akamira ipapo ndokuti, “Kana uchazodzoka zvachose...” Sei? Aiva nechokwadi. “Kana ukazodzoka zvachose, Mwari havana kumbotaura neni. Ugure musoro wangu ipapo.” Akanga ane mhedziso. Aiziva kuti kambasi yake, yakanga yamutungamirira kuchiratidzo ichi, yakanga ichinyatsoenderana neNyeredzi yekuchamhembe. Hongu, changamire. Hoko yake yakabata, hongu, Shoko uye iRo roga.

Kana mhedziso yako, kana uine mhedziso muhupenyu hwako...

¹⁷⁸ Paiva neimwe nguva apo, munoziva, tsika dzaive nemhedziso. Handisi kukwanisa kufunga nevezita romukadzi

iyeye, asi nyika yose yaivimba mune zvaitaurwa nomudzimai iyeye. Ndakanganwa zita rake. Ndanga ndichinyora chinyorwa apa. Handina kukwanisa kufunga zita remudzimai iyeye, zvaraiva. Asi pano, makore mashoma apfuura, paifanira kuva... mudzimai uyu, zvaaitaura, kana akati shandisa banga kuruoko rweruboshwe, zvaive—zvaive izvozvo, ndiyo yaiva mhedziso yacho. Akanga ari mhi—mhinduro kune zvose hazvo. Uye kana ukaisa forogo muruoko rworuboshwe, zvino waive wakanganisa chaizvo. Zita rake raiva ani? [Ungano inoti, “Emily Post.”—Mupepeti] Oo, ndizvozvo. Chokwadi. Hongu. Ndiye wacho. Zvino, wanga uine—wanga uine chokwadi... Akanga ari—akanga ari mhedziso yetsika. “Zvinofanira kuva saizvozvo.” Sekuti, oo, zvinhu zvakawanda zvatinowana zvakadaro. Asi, tinoona, zvino hazvichisipo. Idya nenzira yaunoda. Hongu, changamire. Zvakanaka. Asi ndiyo yakanga iri mhedziso yetsika. “Waifanira kuzviita nenzira iyoyo.”

¹⁷⁹ Paiva neimwe nguva apo Adolf Hitler aive mhedziso yeGermany, chero zvaaitaura. Paakati, “Svetukai,” vakasvetuka. Akati, “Urayai,” vakauraya. Mamiriyoni emaJudha, akagutsurira musoro wake. Munoonaa zvakaitika kune mhando iyoyo yemhedziso? Yaiita sesimba, asi yaipesana neShoko.

“Unoziva sei kuti yaipesana neShoko?”

¹⁸⁰ Mwari vakati. Bharamu paakaedza kutarisira Israeri pasi, kuti aituke, akati, “Ndinomuona sebhiza renyanga imwe. Matende ako akarurama kwazvo! Ani naani anokutuka achatukwa. Ani naani anokuropafadza acharopafadzwa.”

¹⁸¹ Zvinoita sekuti Hitler anogona kunge akazviona. Zvinotaridzika sokunge Makristu iwayo echijerimani angadai akazviona, munoonaa, mhedziso iyoyo. Žvirokwazvo zvinopesana neShoko iroro. Munoziva, sezvavzvakarehwa, “Munhu... Mwari vakasika munhu, asi munhu akaita nhapwa.” Mumwe achiedza kutonga mumwe. Tine Mutongi mumwe chete, ndivo Mwari.

¹⁸² Asi Hitler akanga ari mhedziso yeGermany. Itarisei nhasi uno. Zvino, munoonaa zvakaitika? Yakanga iri mhedziso isiri iyo. Sei? Yaipesana neShoko. Uye zvino munoonaa yose kwayakaenda: mukunyadziswa.

¹⁸³ Uye kana mhedziso yako iri mune rimwe sangano, kana kumwe kutekenyedzwa, kana chimwe chinhu kunze kwaJesu Kristu Pauzima, uchasvika panzvimbo imwe chete yekunyadziswa, bedzi zvakatonyanya, munoonaa, kana mhedziso yako asiri Kristu. Ndiyo mbambo yehupenyu hwemunhu, uye Kristu iShoko, kwete chechi yako, Shoko. Maona? “Pamusoro pemhedziso iyi Ndichavaka Chechi yanGnu,” pana Kristu, Shoko.

¹⁸⁴ Pakave neimwe nguva apo Mussolini aive mhedziso yeRome. Handizive, ndinogona kunge ndakaverenga imwe nyaya, kana kuti zvinogona kunge ndakazviverenga mubhuku, kana

kuti mumwe munhu akandiudza, asi mumwe munhu paaive achibvunzurudza naMussolini. Akanga ari...

¹⁸⁵ Anoda—aida kuunza Roma kune zvemutambi, zvemitambo. Zvino pane chivezwa chikuru chaisimbove chakamira ipapo, chake, chezvemtambo. Ndizvozvo. Greece yakava nepfungwa iyoyo makore akawanda akapfuura. Rome yakagara ichiedza kuva nayo. Mutambi wakanaka, asi—asi mitambo. Asi—asi rangerirai, izvozvo hazvitore nzvimbo yaKristu. Hazvinei kuti wakasimba sei, izvozvo hazvinei nechekuita nazvo. Ndiye simba rose. Uye munoona zvaakaedza kuvakira Rome pazviri. Zvino akaedza kuvakira Roma pachinhu chemhedziso, chekuti ndiye aive mhedziso yacho.

¹⁸⁶ Uye vakataura kuti, rimwe zuva, kuti mutyairi wake—wake—wake akakurumidza kusvika neminiti imwe chete, iye ndokumupfura. Akati, “handina kuti, ‘Uve pano 9 dzisati dzasvika neminiti 1.’ Ndati, ‘Iva pano na 9 dzosozvika.’” Pooo! Ndokumupfura. Maona? Maona? “Handisi kukuda pano dzisati dzakwana neminiti 1. Ndinokuda pano pana 9.” Maona? Tarisai kuti akaedza kuzviita mhedziso yakadii. Asi munoona zvakaitika?

¹⁸⁷ Munorangarira, vazhinji venyu pano, venguva dzakare, Roy Slaughter, zvichida, uye nekumashure-shure mune izvozvo, munorangarira zasi uko pandakakuudzai pamusoro pechiporofita. Rimwe zuva, zasi uko pachivakwa cheOdd Fellows, tisati tambouya kuno, ndakati, “Mussolini achasvika kumagumo anonyadzisa.” Ndakati, “Kupamba kwake kwokutanga, achaenda kuEthiopia, uye Ethiopia ichawa patsoka yake. Asi achasvika pamagumo ake, uye hapana achamubatsira. Achavigwa mukunyadziswa.” Hoyoka uyo.

¹⁸⁸ Ndakati, “Pane zvitevedzwa 3 zvasimuka. Nazism, fascism, necommunism.” Ndakati, “Zvitevedzwa izvozvo zvichatenderera zvichinopinda mune chimwe, zvino chichange chiri communism. Tarisai. Communism ichapisa Roma.” Maona?

¹⁸⁹ Itarisei. Uh-huh. Chombo chiri muruoko rwaMwari. Vanofunga kuti vanopikisana naMwari. Vari kushanda vachipinda imomo chaimo, nguva dzese, havavzivive. Vari kungovashandisa sechidhori, uh-huh, chimwe chombo chiri muruoko rwaVo, sezvaVakaita Nebhukadhinezari nevamwe vazhinji. Zvino cherechedzai. Munoonaka, zvino.

¹⁹⁰ Paiva neimwe nguva apo Farao akanga ari mhedziso yeEgipita, asi tarisai payava zvino. Maona? Zvose zvakakundikana.

¹⁹¹ Oo, imhando isiriyo, saka dzinogara dzichikundika. Imhedziso dzakagadzirwa nevanhu. Haugone kutora mhedziso yakagadzirwa nevanhu. Handina basa nazvo kana ari mu—mutungamiri wenyika, kana ari mudzvanyiriri, kana ari mambo, kana iri chechi, kana riri sangano, kana chiri chitendwa. Chero

hacho chezvinhu izvozvo zvichaparara, sezvakangoita mhedziso dzose dzemhando iyoyo mukufamba nemumazera.

¹⁹² Tinogona kutarisa kumashure. Tarisai kumashure. Tarirai vanhu vakavimba nemadzimambo. Tarisai vanhu vakavimba nevadzvanyiriri. Tarisai vanhu vakavakira tariro yavo pamhando iyoyo yemhedziso, uye tarisai kwavari nhasi uno.

¹⁹³ Zvino ngatitendeukei titarise vanhu vakaisa tariro yavo paBhaibheri, paShoko raMwari, uye vakaRibata semhedziso. Tarisai kwavari zvino.

¹⁹⁴ Pauro anokupai muchidimbu nezvavo, muna VaHebheru, chitsauko 11, zvavakaita. "Kuti vakakunda sei humambo, vakaita kururama, nezvimwe zvakadaro. Uye vakadzengerera vakafuka matehwe emakwai nematehwe embudzi. Avo nyika haivakodzeri." [Chibenga chisina chinhu patepi-Mupepeti] Vakamirira muKubwinya rumuko rwukuru rwuya. Maona? Zvakanaka. Nokuti ivo, vamwe vavo, havana—havana kuwana kuzvishamiso izvi, uye vakapa miviri yavo, zvakadaro, vakatarisira rumuko irworwo. Kuti vapedze hupenyu hwavo, havana kuita hanya nahwo. Vaida kuenderera mberi nokuzvipirisa pachavo, kuitira kuti vawane rumuko irworwo, uye ndizvo zvavakaita.

Zvino, mhedziso, tiri kutaura, mhedziso.

¹⁹⁵ Munoziva, Dare redu redzimhosva Repamusorosoro ndiro mhedziso. Ndiro mhedziso. Ndiro—ndiro rinogumisa kukakavadzana kwose munyika ino. Ndizvozvo. Sarudzo yavo ndiyo mhedziso, muDare redu redzimhosva Repamusorosoro. Ndizvozvo. Oo, ndinoziva dzimwe nguva hatirifariri, asi ndiro—ndiro mhedziso, zvakadaro. Hongu, changamire. Ko kana dai tanga tisina iroro? Zvaizodii? Asi ndiro mhedziso. Zvirokwazzo ndiro. Sei? Ndiko kuti, nyika yedu, yakasungirirwa kwariri. Kana Dare redzimhosva Repamusorosoro iroro rapa mutongo wavo wekupedzisira, ndizvozvo. Hapana zvime. Uri kuenda kupi, shure kwaizvozvo? Uri kuzotevera sarudzo yavo, ndizvozgova. Unotofanira kudaro. Ndivo shoko rekupedzisira. Ndivo ameni.

¹⁹⁶ Unogona kuzviedza mumatare madiki emuguta. Unogona kuzviedza kwamejasitiriti, wobva waenda kudare renyika, kumhando dzose dzematare, nekumatate edzimhosva. Asi kana tauya kuDare Repamusorosoro, ndizvozvo. Ndizvozvo. Dzimwe nguva hatidi, kutaura kuti, "Zvinoka, handifarire sarudzo yavo," asi imboedza kubva pariri kamwe chete. Ndiro mhedziso yenyika. Uye ko kana dai tanga tisina iyo? Hongu.

¹⁹⁷ Tinofanira kuva nemhedziso. Munhu wose anofanira kuva nayo. Unayo. Asi zvandiri kuedza kukuudzai, kuisa nheyo ipapo, uye nokukuratidzai kuti mhedziso chii.

¹⁹⁸ Zvino, Dare Repamusorosoro renyika ndiro mhedziso yenyika. Ndicho chinhu chekupedzisira mune mhando ipi zvayo yemakakatanwa. Vanozvigadzirisa. Zavanotaura, ndizvozvo.

¹⁹⁹ Pane mhedziso pamutambo webhora. Ndiye refuri. Oo, hongu. Dzimwe nguva hatidi sarudzo yake, nesuwo, asi ndizvo—ndizvo—ndizvozvo, zvakadaro. Refuri, sarudzo yake ndiro shoko rekupedzisira, ndizvozvo, zvisinei nekuti vamwe vanoti kudii. Kana akati chibodzwa, chibodzwa. Ndizvozvo. Zvirokwazvo. Hazvina mhosva kuti vamwe vanoti kudii, izvozvo hazvinei nechekuita nazvo. Uye ngatingofungei nezvazvo. Kana iwe... Handiendi kumitambo yebhora, asi zvangoitika kuti ndazvinyora pasi. Refuri, ndiye mhedziso pamutambo webhora.

²⁰⁰ Mumwe wavo oti, “Changa chiri chibodzwa.” Mumwe wacho oti, “Uri munyepi.” *Uyu* oti, “Izvi zvakadai. Unofanira kunge wakadai.”

²⁰¹ Refuri akati, “Chibodzwa!” Unoona vamwe vese vanotora zvigarо zvavo vogara pasi. Zvinorwadza vamwe vavo. Asi ndinofungidzira kuti vaizomubhon’era ipapo, pakadzika mumoyo mavo, nezvimwe, asi “chibodzwa” zvisinei. Sei? Ndiye shoko rekupedzisira.

²⁰² Mutambi wekutanga akati, “Unoziva kuti rapfuura.” Mumwezve oti, “Unoziva kuti i...”

²⁰³ Anoti, “Chibodzwa.” Uh-huh. Ndizvo zvoga. Chinyarara zvino, wodzokera kunzvimbo yako.

²⁰⁴ Ko dai painge pasina refuri pamutambo webhora? Ini zvangu! Ungafungidzira here kuti waizove mutambo wemhando yakadii? Mumwe wavo ati, “Changa chiri chibodzwa.” Mumwe wacho ataura *izvi*. Mumwe otura *izvo*. Mumwe oti, “Uri munyepi.” Paizova nekupopotedzana nekurwa.

²⁰⁵ Kuti uve nemutambo webhora, unofanira kuva nemhedziso. Zvino anofamba achiendako, uye zvisinei nekuti haumufariri sei, kana chii, iye—ndiye mhedziso, zvakadaro. Ndiye mhedziso. Shoko rake ndiro rokupedzisira, zvisinei nezvavonatura nezvazvo. Ndizvo zvazviri. Zvino, dai vasina kudaro, mutambo wese waizopinda munyonganyonga. Ndizvo here?

²⁰⁶ Nyika yaizovei dai panga pasina dare redzimhosva? Pasina Dare Repamusorosoro munyika ino, *yaizoendepi*? Vaizoenda kupi? Nyika yaizova munyonganyonga. Dai pasina...

²⁰⁷ Dai painge pasina refuri pamutambo webhora, waibva wapera, hawaikanda bhora rekutanga pasina mumwe munhu anenge ava kutoita nharo. Mumwe munhu amire ipapo, uye zvichida ranyatsogohwa chaiko, uye mumwe muchinda oti, “Oo, kwete. Kwete, kwete. Harina kudaro.” Zvino, hezvoka *izvo*. Bhora rekutanga raikandwa, vaiitirana nharo nezvazvo. Mumwe wavo ndokuti, “Changa chiri chibodzwa.” Mumwe wacho oti, “Changa chisiri chibodzwa.” Maona?

²⁰⁸ Unofanirwa kuve nemumwe munhu uyo mutambo unosungirirwa kwaari, zvino ndiye refuri. Akati, "Chibodzwa," chibodzwa. Kana akati, "Hachisi chibodzwa," hachisi chibodzwa. Chero zvaanotaura, zvinoitwa. Ndizvozvo. Zvino kana waive usina, hawaizova nemutambo.

²⁰⁹ Regai ndikuratidzei imwe mhedziso, irobhoti dzvuku. Robhoti dzvuku, parinoti "mira," zvinoreva kuti mira. Kana ukaripfura, uchazvibhadharira. Asi guta rino kana ranga risina marobhoti kunze kuno, marobhoti ekumisa, ringazova riri guta rerudzii? Maona? Rinofanira kuva nemhedziso. Handina basa nezvataurwa nemupurisa, kana zvataurwa naani zvake, akamira ipapo. Ivo havana basa. Kana mumwe munhu achigona kuratidza kuti wapinda neparobhoti regirini, handina basa nezvataurwa nemupurisa, zvaanoreva handizvo. Robhoti rikati "enda," zvinoreva kuti enda. Ndiyo mhedziso. Unogona kuzviratidza izvozvo, chiedza chati "enda." Mupurisa anogona kunge anga akamira pane imwe nzvimbo, meya weguta anogona, pane imwe nzvimbo, hazvina kana musiyano wazvinoita. Kana uine humbowo hwekuti ranga richiti "enda," unoenda. Zvino kana mumwe munhu akakurovera, imhosva yavo. Unogona kuzviratidza. Ndizvozvo chaizvo.

Uye tinogona kuratidza zvatiri kutaura nezvazvo. Ndizvozvo.

²¹⁰ Zvino, ko dai panga pasina robhoti dzvuku? Mumwe osvika pamharadzano, zvino ipo...tarisai zvazvaizova. Mumwe anoti, "Heyi! Ibvai munzira. Ndiri pachimbichimbi. Ndinofanira kuti ndiende kubasa. Ndanonoka zvino. Ndava kupfuura zvino." Mumwe wacho oti, "Unongofunga kuti wanonoka. Nokuti, ndini wacho ari kupfuura, nokuti ndatanga kuuya pano." Zvino ndinoona mumwe mudzimai achibuda achigadzirisa bvudzi rake. Ko dai tanga tisina robhoti dzvuku? Hapaizova here nekuungana kwemotokari!

²¹¹ Ndiro dambudziko nemakereke. Maona? Ndizvozvo chaizvo. Ndicho chikonzero tine nyonganyonga yemasangano. Hongu. Ndizvozvo chaizvo. Hapano ane kwaari kuenda. Vakamira, vachikakavadzana.

²¹² *Hechino* Chiedza chaMwari. Kana Chikati "enda" enda. Kana Chikati "mira, izvi zvakwana," chibva wamira. Ndizvozvo. Ndipo patakavakirwa, pane iRo, Shoko iroro, kwete zvakataurwa nerimwe boka revanhu, kana zvakataurwa nerimwewo boka revanhu. Jesu akati, "Zviratidzo izvi zvichatevera avo vanotenda" Handeyi. "Endai munyika yose, muparidze Evhangeri kuzvisikwa zvose."

²¹³ Munoziva, nekunaka kwakaita dzidzo, asi Jesu haana kumbobbira akaida. Ndizvozvo. Nekunaka kwakaita machechi, zvivakwa, haAna kumboda izvozvo. Nekunaka kwaive

zvipatara; isu, machechi, tinovaka zvipatara. Zvakanaka. Tinozvikoshesa izvozvo. Asi haAna kumbozvida.

²¹⁴ Akati kuChechi, “Paridzai Vhangeri.” Zvino Evhangeri haina kuuya riri Shoko bedzi, asi kubudikidza nesimba nokuratidzwa kweShoko. Pauro akatura kudaro. Zvino chienda, uratidze Evhangeri, oo, ini zvangu, dai zvaiva nenzira iyoyo.

²¹⁵ Oo, tiri, nhasi, kurarama munguva yatine vanachiremba vakakanakisia vatakambova navo. Tine mishonga yakanakisisa yatakamborapa nayo. Munozviziva izvozvo. Uye tinoremekedza varume ivavo. Tinovanamatira. Ndinodaro, uye ndinovimba kuti munodaro. Varume vaya, avo nekunzwisa kwavo manzwiro ekubata... Vane pfungwa 2 dzekushanda nadzo, ndiko kuona nemanzwiro ekubata, uye ivo... nekunzwisa. Vanoshanda neruzha rwemoyo, kana ma—manzwiro pane bundu, kana chimwe chinhu, kana muono wechimwe chinhu chavanokwanisa kuona, kupararira kwechirwere, kana—kana chimwe chinhu pachiso, chakazara pachiso kana muviri, pane imwe nzvimbo. Ivo—ivo vanoshanda pazvinhu izvozvo. Maona? Nokuti ndizvo... Uye vanoedza kutora mishonga, uye une huwandi hwokuti unochiuraya, uyezve usingazokuurayai, ne—nezvimwe zvakadaro. Havazo... Ndiro basa ravo, kushanda pazviri. Uye tinozvikoshesa izvozvo. Zvakanaka kwazvo. Asi, tine vanachiremba vakakanakisia, mishonga yepamusorosoro, zvipatara zvepamusorosoro, nehurwere hwakawandisa kupfuura hwatakambova nahwo.

²¹⁶ Tine kusatenda kwakawanda kudarika kwatakambova nako. Hongu, changamire. Ndizvo chaizvo. Vashumiri vakazviita sangano, ndokuva nemachechi makuru, uye vachipinza chero hacho, nezvimwe zvakadaro, uye chero chii zvacho, vachigadzira nhengo yechechi. Zvino vakaenda kune imwe seminari, sehuku yemuchirindiro, ndokunovachochonya nechimuchina chinovabuditsa saizvozvo, uye dzimwe nguva vasingazivi chinhu nezvalMwari sezviri muHottentot asingazivi nezvehusiku hwemuEgipa. Vovaunza saizvozvo, zvino hezvoka izvo. Maona?

²¹⁷ Oo, chatinoda mumachechi edu munhu ane mhedziso. Chatinoda muchechi yeMethodisti, chechi yeBaptisti, chechi yePentekosti, chechi yePresbyterian, imhedziso, munhu waMwari achamira akasungirirwa kuShoko uye nekuna Kristu, uye ounza ungano iyoyo pasi pechinhano ichocco apo nhengo yega-yega inofamba mumamiriro eShoko iri, achiona Shoko iroro richiratidzwa, richivatevera. “Zviratidzo izvi zvichatevera avo vanotenda, munyika yose.”

Vakati, “Izvozvo zvakabviswa.”

²¹⁸ Jesu akati, “Endai munyika yose, muparidze Evhangeri kuzvisikwa zvose.” Hatisati tasvika pasi rose nazvino, uye tichiri kure nekusvika kuchisikwa chese. Kusvika kupi? “Nyika yese.”

Kuna ani? “Chisikwa chose.” Chii chichaitika? “Zviratidzo izvi zvichatevera avo vanotenda. MuZita raNgu vachadzinga madhimoni. Vachataura nendimi itsva. Kana vaizobata nyoka, kana kunwa chinhu chinouraya, hachingavakuvadzi. Kana vakaisa maoko avo pamusoro pevanorwara, vachapora.” Ndiyo mhedziso yakabata ipapo, Shoko, Nyeredzi iya yekuchamhembe, kambasi iyoyo inogara naYo. Ndizvo zvatinoda.

²¹⁹ Asi takabuda tikanovaka machechi, takaita kuti vanhu vaite sangano, tikaunza nhengo, uye tikakakavadzana nemaBaptisti nekuti vaisatenda nenzira yataiita, nemaMethodisti nekuti vaisadaro, nenzira *iyi*. Uye—uye takachochonya seminari yakawedzera kukura, tikavaka machechi akawedzera kukura, nezvigaro zvakashongedzwa zviri nani, neogani yakawedzera kukura, nezvimwe zvakadaro, nechaunga chevakapfeka zviri nani, uye tikava nameya nemunhu wese muchechi. Zvino chii chatava nacho? Chibutwa cherufu, chakasungirirwa kumhedziso yesangano. Rufu! Oo, ngazvisave zvakadaro!

²²⁰ Kana ndikafira munzira yangu, mhedziso yangu ndiJesu Kristu, pane iyoyo ndiyo yandinotenda, kana munhu wese akafamba achindisiya. Mumwe munhu akati, Chiremba Davis vakati kwandiri, “Billy, ukaparidza chinhu chakaita saichocho, uchachiparidzira kumbiru dzechechi.”

²²¹ Ndkati, “Ndichange ndichiparidza Shoko raMwari kumbiru idzodzo, saka, nokuti Mwari vanogona kubva pambiru idzi kumutsira Abrahama vana.” Ndizvozvo. Shoko raMwari nderechokwadi.

Vakati, “Unofunga kuti vachakutenda here?”

²²² Ndkati, “Hazvi... Harisiro basa rangu. Ibasa rangu kugara ndakatendeka kuShoko iroro.” Ndizvozvo.

²²³ Vakati, “Unofunga kuti unogona kusangana nenyika yakadzidza saizvozvi, nedzidziso yebhaibheri ye—yekupodza kwaMwari?”

²²⁴ Ndkati, “Hakusi kwangu kupodza kwaMwari. Ivimbiso yaVo. Ndivo Vakapa rairo yacho.” Oo!

²²⁵ Uye ndinorangarira paAkadzika zasi ikoko muChiedza chikuru chiya, ndakamira ikoko kuzasi kwerwizi, 1933, muna Chikumi, paAkati, “Sa—saJohane Mubhabhatidzi akatumwa uye akatungamira kuuya kweikutanga kwaKristu, Ndinokutuma neMharidzo kunyika, kuti ufanotungamira Kuuya kwechipiri kwaKristu.” Zvino Yakaenda pasi rose, apo moto werumutsiriro wakanga wavambwa kwemakore 15 potse pagomo rega-rega. Kupodza kwaMwari kuchidarika nekumarudzi ose, nesimba, nekudzoreredza.

²²⁶ Uye zvino ndinotenda kuti Yagadzirira kurova nhongonya yekupedzisira mhiriko, kuunza Kutenda kuchabvuta Kereke muKubwinya. Uye Irimo muMharidzo. Zvechokwadi tave

munguva yekupedzisira. Takataura pamusoro pazvo, nezvose, asi chinhu chacho chafamba pamusoro pedu zvino. Ehe. Hongu, changamire. Heino imwe. Ndizvozvo.

²²⁷ Ro—ro—robhoti dzvuku, sezvandataura, rinogadzirisa nyaya yacho. Ndizvo zvoga. Robhoti dzvuku rinokuudza kuti ndiani anoenda. Zvisinei nekuti chero ani zvake anoti kudii, ndeizvo zvinotaurwa nerobhoti dzvuku. Unogona chaizvo kuve nekuungana kwemota kana usinga—kana usingacherechedzi robhoti dzvuku. Panofanira kuva nemhedziso. Hongu, changamire.

²²⁸ Sezvakangoita Chechi, panofanira kuva nemhedziso. Kuvanhu vari muChechi, unofanira kuva nemhedziso yako.

²²⁹ Asi, nhasi, kereke imwe neimwe ine mhedziso yayo. Maona? Uye usaedza kutora kuti, “Isu maBaptisti tinotenda *izvi*. Isu maMethodisti tinotenda *izvi*. Isu maPresbyteriani tinotenda *izvi*. Isu maPentekosti tinotenda *izvi*.” Zvakanaka, asi wadii watora zvimwe zvaCho zvose? Chii chakaipa nezvimwe zvaCho zvose?

²³⁰ “Isu maBaptisti tinotenda mukunyudza.” Zvakanaka izvozvo. Ko rubhabhatidzo rweMweya Mutsvene, zvino? Ko kutaura nendimi? Ko zvipo zvokupodza? Ko chiporofita? “Oo, kwete. Isu hatidaro. Izvozvo, zvakanga zviri zverimwe zera.” Oo, akomana!

²³¹ MaPentekosti, munoti, “Zvinoka, isu tinotenda mukutura nendimi, sehumbowo.” Chokwadi, kutaura nendimi kwakanaka, asi zvakadaro hausi humbowo. Vanhu vazhinji vanotaura nendimi, ichokwadi, uye ndipo chete pavanosvika. Dhiyabhare anogona kutevedzera chero chipo chakapihwa, chero chipo chipi zvacho chiru muBhaibheri.

²³² Pauro akati, “Kunyange ndikataura nendimi dzevanhu nedzeVatumwa, kunyangwe ndikapa mutumbi wangu kuti upiswe sechibayiro, kunyangwe ndikatengesa zvose zvandinazvo kuti ndipe varombo zvokudya, uye kunyange ndine kutenda kwekfambisa makomo, kunyangwe ndakaenda kuseminari uye ndikadzidza zivo yese iriko inofanira kudzidza, zvakadaro handisi chinhu.”

²³³ NdiKristu Pahuzima. Kristu, Mugamuchire, zvino haukwanise kuMugamuchira usina kugamuchira Shoko raKe. Shoko rinofanira kuuya kutanga, zvino Upenyu hunobva hwauya muShoko iroro hworatidza Shoko iroro.

²³⁴ Jesu haana here kuti, “Kana Ndikasaita mabasa aBaba vaNgu, saka musaNditenda?” Raiva Shoko raMwari richiratidza. Mwari vakanga vari muna Kristu, vachiyananisa, vachiZviratidza kunyika, zvaVaiva. Ndiyo yaive—ndiyo yaive mhedziso. Ndiyo yaive mhedziso yaZiyendanakuenda ipapo.

²³⁵ Zvino unoti, “Ndiyo yaZiyendanakuenda here, Hama Branham?” Yaive. “Ko nhasi uno?”

²³⁶ Jesu akati, “Uyo anotenda maNdiri, mabasa aNdinoita naiye achaaitawo.” Ndiyo mhedziso imwe chete. Zvakanaka.

²³⁷ Mumwe nomumwe ane mhedziso yake. Oo, ini zvangu! Zvakangofanana sezvazvaiva mumazuva evatongi, “Munhu mumwe nomumwe aiita sezvaaifunga kuti ndizvo zvakanaka.” Mumazuva evatongi, munhu mumwe nemumwe aive nemhedziso yake pachake—yake pachake. Aingoita zvaaida kuita. Uye ndizvo zvazviri zvino. “Munhu mumwe nomumwe achiita zvakamunakira mumaonero wake.” Zvino, munoziva chikonzero nei vakaita izvozvo muna Vatongi? Izvi zvinogona kukuvhundutsai zvishoma. Asi chikonzero chavakazviitira muna Vatongi, imhaka yekuti vakanga vasina muporofita mumazuva iwayo, wokuti Shoko raJehovah riuye kwaari. Saka munhu wese aikwanisa kuita zvaanoda, pamaonero ake.

²³⁸ Uye ndizvo chaizvo zvaitika nhasi uno. Hatina muporofita mumazuva ano emasangano, asi Mwari vakativimbisa mumwe. Maona? Maona? Uye Vakazviita. Mumazuva okupedzisira, Vachamutsa uye votumira Eria odzokera panzvimbo zvakare, “Uye anozotendeutsa mwoyo yevana kudzoka paKutenda kwemadzibaba,” kudzokera kupentekosti yepamavambo. Munoziva Vakataura izvozvo.

²³⁹ Zvino, ndinoziva kuti muchanongedzera, sezvaAkaita kuna Johane, umo muna—muna Mateo chitsauko 11, uye ndima 6, ndinotenda kuti ndizvo, pavakati, “Unofunga kuti murume uyu aive ani, Johane uyu?”

²⁴⁰ Akati, “Kana muchigona kuzwigamuchira, uyu ndiye uya akataurwa nezvake kuti, ‘Tarira, Ndinotuma mutumwa waNgu mberi kwechiso chaNgu.’” NdiMaraki 3, kwete Maraki 4.

²⁴¹ Asi, rangarirai, dai aive Maraki 4, saka Shoko rakakundika, nokuti Akati, “Asi panguba iyi, pasi rose raizopiswa, uye vakarurama vaizobuda vachifamba vari pamusoro pemedota evakaipa.” Kwete. Musazvisanganisa, hama. Itai kuti Ritaure chaizvo zvaRinotaura. Ndizvozvo. Vakazvivimbisa muzuva rekupedzisira, uye zvichange zviri imomo chaimo.

²⁴² Rangarirai, apo vatongi, munhu wose aiita nenzira yaaida. Pakanga pasina munhu, pasina munhu aigona kuita kuti Shoko iroro rirarame. Kwakanga kusina muporofita. Shoko raJehovah rinouya kumuporofita nguva dzose. Ndizvozvo. Uye anogara achivengwa. Iboka duku chete rinomuda, munoona. Asi, ndinoreva, zvakagara zvakadaro.

²⁴³ Mwari havashandure maitiro aVo, haVakwanise, uye vova Mwari. Kana Mwari vakambotaura chero chinhu kana kuita chero chinhu, Vanofanira kuita nguva inotevera. Kana dambudziko iroro rasvika, kana Vakasaita kechipiri nenzira yaVakaita pekutanga, Vakaita zvisizvo pekutanga. Zvino ndianniko achapomera Mwari kuti vaita zvisizvo? Ndiwe ani,

anogona kuisa chivi pana Mwari? Ndizvo zvakataurwa naJesu, “Ndiani wenuy angaNdipomera mhosva yechivi?”

²⁴⁴ Chivi chii? Kusatenda. “Uyo asingatendi akatotongwa kare.”

²⁴⁵ “Ndiani wenuy angaNdiratidza kuti haNdina kuzadzisa zvose zvaifanira kuitwa naMesiya?” Maona? Hapana akati bufu. Aive adaro. Mesiya aive Muporofita, uye Akanga aratidza kuti Aive iyeye. Vakanga vasina kumbova nemuporofita kwemazana emakore, kubva pana Maraki, zvino heunoi Asimuka panzvimbio. Akanga ari chakavanzika kuvanhu, uye ari chigumbuso kukereke yavo.

²⁴⁶ Nokuti, Akati, “Tarirai, ndinogadza muZioni, ibwe repakona, Iro rinokosha, rakayedzwa, oo, ibwe rokugumbutsa.” Hongu. “Asi ani naani anotenda kwaAri haanganyadziswi.” Ndizvozvo. Hapo paAiva. Uye izvozvo zvakanyatsozadzisa Rugwaro. Asi avo vakaMutenda vakava nemhedziso.

²⁴⁷ Marita mudiki, paakaona Razaro achibuda muguva, akaziva kuti Aiva ani. Kunyange Asati azviita, aiva nemhedziso yokuziva. “Ndinotenda kuti Muri Mwanakomana waMwari, uyo aizouya panyika. Kunyange zvino, kunyange hanzvadzi yangu yakafa, ingotaurai shoko. Mwari vachazviita.” Ameni. Akanga aine chokwadi chamazvirokwazvo. Ndizvozvo. Apo Iye...Akataura kudaro, uye achizvirevesa kubva mumoyo wake.

Akati, “Makamuviga kupi?”

Akati, “Huyai muone.”

²⁴⁸ Hapo Akamira ipapo, aine chiratidzo. Nokuti, Akati, “Handiiti chinhu kusvikira Baba vaNdiratidza kutanga,” Mutsvene Johane 5:19.

²⁴⁹ VakaMuendesa kure, akabva pamba paRazaro. VakaMutumira kuti auye, anamate. Aiziva kuti Razaro aizofa. Uye mushure mechinguva, Akati, “Shamwari, yedu Razaro, akarara.”

Vakati, “Anoita zvakanaka.”

²⁵⁰ Akati, “Afa. Uye nekuda kwenyu, Ndinofera kuti Ndaive ndisipo.” Vainge vachiMukumbira kuti amunamatire.

²⁵¹ Akabva Adzoka, akati, “Asi Ndinoenda kunomumutsa.” Oo, ini zvangu! (Kwete kuti, “Ndichaenda ndonoona zvaNdingaite.”) “Ndichaenda kunomumutsa.” Sei? “Baba vatoNdiratidza kare zvacho zvokuita.”

²⁵² Vakaenda zasi kuguva. Hapo pakamira mumwe Murume. Hapo pakamira Mwari munyama, vaigona kunge vakati kudombo iroro, “Nyungudika,” uye ringadai rakanyungudika. Asi Akati kumadzimai iwaya, madzimai madiki iwaya anonzwisa tsitsi, madzimai madiki echidiki, akati, “Bvisai dombo.”

²⁵³ Une chimwe chinhu chokuita, zvakare. Maona? Zvino vakakungurutsa ibwe. Zvino zvakavarwarisa; ainhuwa chaizvo.

²⁵⁴ Hapo, Akamira ipapo. Oo, ini zvangu! Ndiri kuMuona achitwasanudza kamutumbi kadiki kaya kakaperezeka. Nokuti, Bhaibheri rakati, "Hapana runako rwokuti tiMushuvire." Akanga asinganyanyi kutaridzika. Maona?

²⁵⁵ Sezvakangoita Dhavhidha, akasarudzwa kuva mambo paaive angori chinhu chiduku chitsvuku. Maona?

²⁵⁶ "Machinda makuru-makuru ose iwayo," akati, "haangataridziki zvakanaka here aine korona mumusoro make? Tora mwanakomana mukuru uyu," Jesse akadaro.

²⁵⁷ Samueri akati, "Mwari vamuramba." Akaunza vanakomana vake vose. Akati, "Hamuna mumwe here?"

²⁵⁸ "Hongu, tine mumwe, asi haangambotaridzika samambo. Handiti, kamunhu kadiki-diki, kane mapfudzi akakombama, kanotaridzika kuva katsvuku."

"Endai, munomutora."

²⁵⁹ Zvino paakangouya, akafamba pamberi pemuporofita iyeye, Mweya wakawira paari. Akamhanya nemafuta iwawo, ndokuadira pamusoro wake, akati, "Uyu ndiye mambo wenyu." Ndizvozvo. Hongu, changamire.

²⁶⁰ Jesu akamira ipapo, akakombama mapfudzi, zvichida, ave kuchena musoro iYe asati apfuura makore 30 okuberekwa. Bhaibheri rakati, "Aigona kunge airatidzika seane 40." MaJudha akati, "Uri Murume asati apfuura—apfuura makore 50, uye Unoti iWe 'wakaona Abrahama'?"

Akati, "Abrahama asati avapo, NDIRI." Ini zvangu! Oo, ini zvangu! Mutsvene Johane 6.

²⁶¹ Zvino, takazoona kuti, heunoi Akamira, paguva. Aiziva kuti chiratidzo ichocco chaifanira kuratidzwa. Aiziva kuti chaifanira kudaro. "Bvisai dombo." Iye ari...

²⁶² Akanga ari kunhuhwa, akaputirwa nenguwo dzemuguva, akanga afa kwemazuva mana. Mhuno yake yakanga yatowira mukati, munguva yakareba zvakadaro.

²⁶³ Hapo, Akamira ipapo, akatwasanudza kamutumbi kaKe kadiki. "Ndini rumuko, Hupenyu." Hum! "Uyo anotenda maNdiri, kunyange akafa, asi achararama." Ndiudzei munhu aigona kutaura chirevo chakadaro. "Ani nani anorarama uye anotenda maNdiri haangatongofi. Munozvitenda here izvi?"

²⁶⁴ Akati, "Hongu, Ishe." Kunyange zvazvo Akanga amukundika, zvichinge sekudaro. Paakadana, haAna kuenda. Akadana zvakare; haAna kuenda. Asi hepano paanoti, "Ndinoziva kuti ndiMi Kristu aizouya panyika."

²⁶⁵ Akati, "Razaro, budamo." Zvino murume akanga afa kwamazuva 4. Sei? Chii? Kristu akanga ane mhedziso.

Akanga aona chiratidzo. Hachaigona kukundika. Ndizvozvo. Hachaigona kukundika. Aiva nechokwadi zvamazvirokwazvo.

²⁶⁶ Uye Marita aiva nechokwadi zvamazvirokwazvo. Kana akakwanisa kuMuita kuti acherechedze zvaitenda maAri kuti aiva, aiwana zvaikumbira. Ndizvozvo. Hapo pavaive. Mhedziso, yakasungana neShoko, zvino ndizvo zvazvakava.

²⁶⁷ Munhu wose nhasi anoita, maonero ake iye, zvaanoona sezvakanaka, nokuti hakuna muporofita. Tarirai mumazuva avatongi.

²⁶⁸ Tarisai mumazuva apo Eri-... Ndinotenda kuti, akanga ari Eria kana Erisha, mumwe. Hongu. Uyo, mwana akafa. Mu-mudzimai weShunemi, akagadzira...

²⁶⁹ Eria akanga ari munhu waMwari wezuva iroro, kwete mumwewo mudzidzisi akanaka, akatesva njere. Handiti, akanga ari mutana aifamba hake. Unga... Kuuya, kana akauya pasuwo rako nhasi, zvichida waizomudzinga. Rudzi rwose rwakamuvenga. Jezebheri navamwe vose vakamuvenga.

²⁷⁰ Nekuti, akagara muWhite House uye akaita kuti vakadzi vese vaite nenzira yaaiita, uye vose vakamutevedzera. Zvino Ahabhu akatendeutswa, musoro wake wakatendeutswa, nesimba remudzimai. Hatina kuzvipotsa zvakanyanya nhasi. Zvakangoda kufanana, uye hezvoka—hezvoka izvo. Zvino vose vaive nemukurumbira. Uye, oo, vose vakanga vakanyengerwa.

²⁷¹ Asi muShunemi mudiki uya, wakare! Kwete mudzimai weShunemi, asi muduku... Hongu. Ndinotenda kuti akanga ari weShunemi. Paakanya ndokuona kuti simba iroro rakanga riri muna Eria, akati, "Ndinoona kuti murume mutsvene." Zvino mwana iyeye paakanga avete akafa, akati, "Tasva nyurusu iro uye usamira." Akaenda kumusoro ikoko. Aiziva. Uye ndinozvifarira izvozvo, mauyire aakaita. Akasvika pamhedziso yake, mbambo yake.

²⁷² Eria akati, "Heuno muShunemi uyo ouya. Akasurukirwa. Asi handizivi kuti chii chiri kunetsa." Maona? Mwari havaratidzi varanda vaVo zvese; izvo chete zvaVanoda kuti vazive. Saka akati, "Moyo wake uri kurwadziwa, asi handizivi." Akati, "Mhanya, unoona, Gehazi, uye uone kuti chii chiri kunetsa."

²⁷³ Akati, "Zvose zvakaringana newe here? Zvose zvakaringana nemurume wako here? Zvose zvakaringana nemwanakomana wako here?"

²⁷⁴ Mutarisei. Oo, ini zvangu! Ndizvozvo. Akati, "Zvese zvakaringana." Sei? Akanga asvika kumhedziso yake. "Zvese zvakaringana."

²⁷⁵ Zvino akapfugama. Akawira pasi, kutanga, patsoka dzake. Gehazi ndokumusimudza, "Hazvina kunaka," pamberi patenzi wake—wake. Akamusimudza. Zvino akatanga kumuudza.

²⁷⁶ Zvino, akanga asina mhedziso zvino. Aiziva kuti aive nesimba, kubudikidza nechiratidzo, chekumupa mwana. Asi zvino akaitei? Akatora tsvimbo yake ndokuenda zasi mukamuri, akavhara masuwo ose, akabuditsa munhu wese kunze. Akafamba achikwira nekudzika mukamuri umu. Aiva nemhedziso, dai aingoibata chete. Achienda nekudzoka, kukwira nekudzika mukamuri! Oo, ini zvangu! Pakarepo akanzwa chimwe Chinhu chakamurova. Akazviradzika pamwana. Akasimuka zvakare, akabva. Mwa—mwana akaita seakapfakanyika, akatanga kudziya. Akasimuka, achienda nekudzoka. Haana kunyatsowana kubatana kwakakwana nemhedziso. “Chakanga chirii chii, Ishe? Mati ndoitei?”

²⁷⁷ Pasina kupokana, paakatendeuka, akaona chiratidzo, mukomana mudiki iyeye achimhanya, achitamba, achisvetuka netambo, chimwe chinhu chakada kudaro, achitamba. Akazviwisira pamwana. Akaisa mhuno yake pamhuno yake, miromo yake pamiromo yake, simba raMwari ndokumutsa mwana kuhupenyu.

²⁷⁸ Chaiva chii? Mhedziso yemudzimai uyu yaive muporofita! Mhedziso yemuporofita yaive Mwari! Uye pamwe chete, neShoko, “Ndini rumuko neHupenyu.” Ndinoona simba raMwari. Musiki anogona kuita zvose. Akamuka zvakare, mwana. Chokwadi.

²⁷⁹ Chikonzero munhu wose akaita nenzira yake pachake, imhaka yokuti vakanga vasina muporofita wokuti Shoko raShe riuye kwaari. Shoko nevaporofita vakanga vasipo muzuva iroro.

²⁸⁰ Oo, ndakaona izvi pakutendeuka kwangu, pazuva rataigara mariri. Ndinoara kwazvo kuti Mwari vakandibata chechi isati yazviita. Zvichida ndingadai ndiri munhu asingatendi. Hongu, changamire. Ini... Nyonga-nyonga yese iyi, matakanaana, nemunhu wese, “Zvino, huya ujoinhe yedu. Uye kana ukasadaro, saka, unogona kutora tsamba yako woenda kunojoinha imwe yacho.” Oo! “Haungaunzi tsamba yako muruwadzano rwedu here?”

²⁸¹ Ndinotenda kuti pane tsamba imwe chete, ndipo apo Kristu anonyora zita rako muBhuku reHupenyu reGwayana. Ndipo chete pariri.

²⁸² Pandakaona masangano ose! Kwatinobva tiri maIrish, ayo aisimbova maKatorike. Uye ndakaona kuti zvakanga zvakan’ora uye zvakaora. Ndakaenda zasi kune imwe chechi yemasangano muno muguta, vakati, “Oo, ndisu tiri nzira, Zvokwadi, Chiedza. TinaZvo zvose.” Ndakaenda kune imwe muNew Albany, “Oo, ini zvangu! Machinda iwayo vari kumusoro ikoko havazive zvavari kutaura nezvazvo.” MaKatorike akati, “Mose makarasika.”

Ndakafunga, “Oo, ini zvangu!”

²⁸³ Ndaitamba nekamwe kamukomana kechiLutherani. Uye ndakafunga... Mumwe muLutherani yekuGermany mudiki. Ndakaendako, ndichibva ndati, “Unoenda kuchechi kupi?”

“Ndinoenda kuchechi *iyo*.”

²⁸⁴ Ndakaenda zasiko, zvino ndikazoziva kuti ivo vaiti ndivo vaive nzira. Ndakaenda zasi kuna Hama Dale, muEmmanuel Baptisti, uye, kana kuti First Baptisti. Vakati, “*Iyi* ndiyo nzira.” Ndakaenda kuchechi yechiIrish, ikati, “Zvinoka, *iyi* ndiyo nzira.”

²⁸⁵ “Oo, ini zvangu! Ndakavhiringika zvikuru. Handizive zvekuita. Asi ndinoda kuve ndakarurama.” Handaiziva zvekuita. Uye handaiziva kuti ndinotendeuka sei.

²⁸⁶ Ndakanyora tsamba. Ndakafunga, “NdakaVaona musango.” NdakaVanyorera tsamba. Ndakati, “Changamire vanodikanwa, Ndinoziva kuti Munopfuura muchidzika nenzira ino pano, nokuti ndakagara pano ndichivhima tsindi. Ndinoziva Munopfuura nepano. Ndinoziva kuti Muri pano. Ndinoda kuti Mu... Ndinoda kuKutaurirai chimwe chinhu.”

²⁸⁷ Ndakafunga, “Zvino chimbomira zvishoma. Ini—ini handina ani wandamboona. Handina. Ndinoda kutaura naiVavo. Ndi—ndinoda kutaura naVo. Ndinoda kutaura naVo.” Ndakafunga, “Zvakanaka, zvino, handizivi kuti ndozviita sei.”

²⁸⁸ Zvino ndakaenda mushedhi ndokupfugama, makatota, nemvura. Kamota kadiki, kakare kakagara ipapo, kakaparara. Ndikati, “Ndinotenda kuti ndakaona mufananidzo, ndinotenda kuti, vanoisa maoko avo *seizvi*.” Zvino ndakapfugama. Imi ndikati, “Zvino ndichati kudini?” Ndikati, “Pane imwe nzira yaunofanira kuita izvi, uye ini handizive. Ndinoziva kuti kune nzira yekusvika nayo kune chinhu chese. Uye ini handi...” Ndakati, “Ndichaisa maoko angu *sezvizvi*.”

²⁸⁹ Ndikati, “Changamire vanodikanwa, ndinoshuva kuti dai Maiuya kuzotaura neni, kwechinguvana. Ndinoda kuKuudzai kuipa kwandakaita.” Ndakasimudza ruoko rwangu sekudai. Ndikateerera.

²⁹⁰ Vanhu vakati, “Mwari vakataura neni.” Uye ndaiziva kuti Vaitotaura, nokuti ndakaRinzwa ndichiri mwana, richindiuza kuti “ndisanwa” nezvinhu.

²⁹¹ Havana kundipindura. Ndikati, “Pamwe ndaifanira kuisa maoko angu *kudai*.”

²⁹² Saka ndakati, “Changamire vanodikanwa, handinyatsozivi chaizvoizvo kuti izvi zvinoitwa sei, asi ndi—ndinovimba kuti Mucha... Mungandibatsirawo here?”

²⁹³ Zvino muparidzi woga-woga aindiudza, kuti ndiuye kuzojoinha yavo, uye vosimuka voti vakatora Jesu Kristu, uye ivo “vanotenda kuti Jesu Mwanakomana waMwari.” Madhimoni anotenda zvimwe chetezvo.

Saka ndakafunga, “Ndi—ndinofanira kuva nechimwe chinhu chiri nani kupfuura izvozvo.” Kwete.

Ndaive ndakagara sekudai.

²⁹⁴ Ndakaverenga apo Petro naJohane vakapfuura napasuwo rinonzi Rakanaka, zvino kwakanga kune murume akanga akaremara, kubva mudumbu ramai vake. Akati, “Sirivheri nendarama handina, asi izvo zvandinazvo...” Oo, ndaiziva kuti ndakanga ndisina izvozvo.

²⁹⁵ Saka ndaiedza ku—kuziva kuti zvinoitwa sei. Ndaisaziva kuti ndinonamata sei. Ndakadai maoko angu, ndokubva ndazvambarara sekudai.

²⁹⁶ Uye, chokwadi, Satani akabva auya ipapo, akati, “Unoona, wakamirira kwenguva yakarebesa. Watova nemakore 20 ekuberekwa. Hapana chikonzero chekuzviedza zvino. Hongu.”

²⁹⁷ Ndiakbva ndabatikana zvikuru, ndokutanga kuchema. Zvino ipapo, pandakanyatsobatikana, ndakati, “Ndiri kuzotaura. Kana Mukasataura nenii, ndichataura neMi, zvakadaro.” Saka nda—ndakati, “Ini handina kunaka. Ndinozvinyarira. VaMwari, ndinoziva kuti Muchandinzwa, pane imwe nzvimbo. Muchandinzwa. Uye ndinonyara nezvandiri. Ndinonyara kuti ndakaKushairai hanya.”

²⁹⁸ Panguva saiyyo, ndakatarisa kumusoro, zvino mamwe manzwiro asinganzwisisike akapfuura nepandiri. Hepanoi pachiuya Chiedza, chichifamba nemukamuri, uye chikaita muchinjikwa, saizvozvo. Zvino Inzwi, randsati ndambonzwa muhupenyu hwangu, rakataura. NdakaRitarisa. Ndakangobatwa nechando, kwese-kwese, ndiine chiveve nekutya. Ndakatadza kufamba. Ndakamira, ndikaChitarisa. Chikaenda.

²⁹⁹ Ndakati, “Changamire, ini—ini handinzwisisi mutauro weNy.” Ndakati, “Kana Musingakwanise kutaura wangu, uye ini—uye ini handinzwisisi weNy, uye kana Makandiregerera... Ndinoziva kuti ndinofanira kuverengerwa mumuchinjikwa imomo, pane imwe nzvimbo, kuti zvivi zvangu zvaifanira kuva imomo. Uye—uye kana Mukandiregererawo, ingodzokai mutaure nemutauro weNy iMi. Uye ndichanzwisia nokudaro, kana Musingakwanise kutaura mutauro wangu.” Ndakati, “ChingoChiregai chichidzoka, zvakare.”

³⁰⁰ Hapo paChaiva, zvakare. Oo, nhai vedu! Ipapo ndakawana mhedziso. Ameni. Hongu, changamire. Ndakanzwa sekunge mu—mutoro wematani 40 wakasimudzwa kubva pamafudzi angu. Ndakafamba ndichidarika nemukamuri iyoyo, apo pandaisagona kana kutsika pasi.

Amai vakati, “Billy, uri kuhuta-huta.”

Ndikati, “Kwete, amai, handizivi zvaitika.”

³⁰¹ Kwaive nenjanji kumashure ikoko. Ndakamhanya ndichidzika nenjanji iyoyo, ndichisvetuka mudenga, nesimba rese randaigona naro. Ndakanga ndisingazivi kuti ndinozvibata sei pamanzwiro angu. Oo, dai ndakangoziva kuti ndodanidzira sei! Ndaidanidzira, asi nenzira yangu pachangu, munoonaa.

³⁰² Chaiva chii? Ndakanga ndasungirira mweya wangu munzvimbo yezororo. Zvakagadzirisa nyaya yacho. Ndiyo yaiva mhedziso yangu. Ipapo ndakanga ndawana chimwe chinhu, kwete imwe ngano, imwe pfungwa. Ndakanga ndataura neMunhu wacho. Ndakanga ndataura neMurume iyeye akandiudza kuti “usambonwa, kana kuputa, kana kuita chinhu chipi nechipe chinosvibisa” ini pachangu nevakadzi nezvimwe zvakadaro. Kuti, kana ndakura, paizova nebasisa rokuti ndizoite. Ndakanga ndasangana naYe; kwete chechi. Ndakanga ndasangana naYe, Iye! Hongu, changamire. Akanga ari iYe wacho.

³⁰³ Semumwe muchinda zasi kuno kuKiwanis kana... akanga achitaura, kwete... mushure meHondo Yepasi Rose Yekutanga. Hama Funk, vakamira ipapo, vari musoja. Vakati vaiva... Kakaita sekanyambo, kadiki. Ino haisi nzvimbo yenyambo, asi hezvino zvakavataura. Vakanga vari muno muNew Albany.

³⁰⁴ Zvino vakati, “Mutungamiriri wechikepe akatibusita, akati, ‘Nyika yese iyoyo yakazara nemajap. Mangwana, vakomana, tiri kupinda. Tinofanira kuvatora.’ Akati, ‘Rangarirai, vakomana, pane vazhinji vedu vakamira pano, nhasi, vachange vasisipo mangwana. Havazovi pano mangwana. Tiri kupindamo, mangwanani, mambakwedza.’ Akati, ‘Zvino mumwe nomumwe ngaaende kuchitendero chake amene.’” Muchinda uyu akati, “Zvino ndakanga ndisina chero chitendero zvacho.” Uye akati, “Ndati...”

³⁰⁵ Akati, “Ndakamira ipapo. Uye vamwe vose...” Vakati, “Heunoi mufundisi achiuya, akaenda neuku; uye muProtestanti akaenda neuku; uye vechiJudha vakaenda neuku; uye nemuKatorike akaenda neuku; nemufundisi wavo.” Akati, “Ndakamira ipapo.”

³⁰⁶ Uye akati, “Mu—mukuru wemasoja akati kwandiri, akati, ‘Mukomana, wochitowana zvako kuchitendero chako.’”

Akati, “Handina kana.”

³⁰⁷ Akati, “Itosva zvako wawana chimwe, nekuti uchazofanira kuda chimwe ipapo-ipapo. Ndine chokwadi.”

³⁰⁸ Uye akati, panguva inenge iyoyo akaona boka richipfuura, zvino raiva rechiKatorike. Akati akafambako ndokuti kumuprista uyu, “Mungandipawo here chitendero?”

Zvino akati, “Huya kuno.”

³⁰⁹ Akati, “Akapinda mukati ndokundiita muKatorike.” Uye ikoko kuNew Albany, kwaiva naJohn Howard neboka

remaKatorike chaiwo iwayo aive agerepo, munoziva, apo muchinda uyu aitaura izvi.

³¹⁰ Zvino akati—akati, “Zuva rakatevera mukurwa . . .” Aitaura pamusoro pokuti, oo, zvaive zvakadii. Uye akati akanga ari muchinda mukuru kwazvo, munoziva. Uye akati, “Vakatanga kurwa vari pedyo nepedyo, uye vakanga vachingobayana nemapanga, nokudanidzira, nokucheka, nokutema.” Akati, “Marongerwo avo akabva avhiringidzwa. Vakabva vasvika, apo maJap akavasiya vachifamba vachipinda mazviri, saizvozvo. Uye izvo zviggwagwagwa zvihombe zvekare zvichirira, kubva kumativi ose. Kurwisana vari pedyo nepedyo!”

³¹¹ Akati, “Kamwe-kamwe, ndakamira ipapo, *sezvizvi*.” Uye akati, “Zvese, kuridza mhore uye nekuenderera, waisakwanisa kuzvinzwa pachako.” Akati, “Hero ropa.” Akati, “Ndakatarisa, zvino raiva ropa rangu.” Akati, “Ndakatarisa *apa*. Pane buri parutivi rwangu.” Akati, “Raiva ropa rangu.” Uye akati, “Ini, munoziva, ini—ini—ini . . .”

Uye chaiye . . . shamwari muKatorike, handisi kutaura izvi se—sedambe zvino, asi muKatorike mutsvene chaiye akati—akati, “Waita *Kaziwa Maria* here?”

³¹² Akati, “Kwete, changamire.” Akati, “Raiva riri ropa rangu. Ndakanga ndisingadi kana masekiritari. Ndakati, ‘Ndinoda kutaura neMunhu wacho chaiye.’ Raive—raive ropa rangu.”

³¹³ Ndinofunga kuti ndizvo potse zvazviri. Hongu, changamire. Ndiwo mafambiro azvinoita. Tinofanira kuva nembambo, mhedziso.

“Ndakanga ndisina nguva yesekiritari waKe.” Akati, “Ndinoda kutaura naYe.”

³¹⁴ Uye ndizvozvo, hama. Kana munhu auya kuna Kristu, haudi kutora shoko remumwe muparidzi, shoko remumwe sekiritari, chimwewo chinhu. Imi maProtestanti, musatore *izvi*, *izvo*, kana *zvimwewo*. Enda kumhedziso iyoyo, kusvikira maiswa hoko ipapo kubudikida neKuberekwa patsva, nokuzvarwa patsva nokuzadzwa noMweya Mutsvene, zvino unoona Bhaibheri richiratidzwa mukuninipa nerudo nemuhupenyu hwako. Oo, zvino, ndiyo mhedziso yako. Hongu, changamire.

³¹⁵ Ndakaverenga muShoko umo iYe ari Shoko. Apo, chechi yechiJerimani payakati nenzira *iyi*; nemaMethodisti, nemaBaptisti, nemaKatorike. Asi ndakaverenga muShoko paAkati, “Pamusoro pedombo iri Ndichavaka Chechi yaNgu, uye masuwo egehena haakwanise kuIkunda.”

Teererai zvino, mukuvhara. Zvino muProtestanti anoti . . .

³¹⁶ Zvino, muKatorike anoti, “AkaIvakira pana Petro, ‘Ndiwe Petro, uye padombo iri . . .’” Kwete, haAna kumbodaro. Kana zvaive izvo, yakadzokera shure pakarepo. Vakaivakira pamunhu.

³¹⁷ Chii chaAkaita? MuProtestanti akati, “AkaIvakira paAri.” Kwete. Haana. Haana kuIvakira paAri.

³¹⁸ Chii chaAkaita? Chii? “Ko vanhu vanoti iNi, Mwanakomana womunhu, ndini ani?”

“Uye vamwe vakati ndiMi ‘Eria,’ na ‘Mosesi.’”

Akati, “Asi imi munoti kudii?”

Petro akati, “Ndimi Kristu, Mwanakomana waMwari mupenyu.”

³¹⁹ Tarisa mashoko acho zvino. “Wakaropafadzwa iwe, Simoni, mwanakomana waJonasi. Nyama neropa hazvina kuzarura izvi kwauri. Hauna kumbozvidzidza kubva kune mumwe murisita. Hauna kumbozvidzidza kubva kune imwe seminari. Asi Baba vaNgu vari Kudenga vaZvizara kwauri. Uye padombo iri,” chizaruro chepamweya cheShoko, “Ndichavaka Chechi yaNgu, uye masuwo egehena haangaIkuriri.”

Ndakafunga, “Ishe, ndizvozvo.”

³²⁰ Ndakaverenga pano muBhuku raZvakazarurwa, chechi 21 chitsa-...chitsauko 22, apo Akati, “Ani naani...” Ichi ndicho Chinhu chakazara. “Ani naani anopfekedzera chimwe chinhu kwaRiri; ani naani achabvisa chimwe Chinhu kubva kwaRiri, oramba kuti haRina kudaro; kana ani naani achaedza kuRiita kuti rive nani zvishoma, kuRikwenezverera zuva iroro. Ani naani achawedzera kana kubvisa, mumwe cheteye achabviswa, chikamu chake, kubva muBhuku reHupenyu.”

³²¹ Ndakati, “Zvino, ndizvo zvoga zvandinoda, Ishe, kutenda iRi.” Uye mune iRi, pamuchinjikwa uya uko, Kristu akauya. Rakakwana, rose zvaro, Shoko rose raAkambotaura. Kutora Bhuku muruoko *urwu*, nhoroondo muruoko *urwu*, uye zvinongosimbisa zvakananga zvichidzika, zvakakwana. Imi ndikati, “Zvino, Ishe, ndigamuchirei.” Zvino pandakadaro, ndakagamuchira Kristu, Mweya Mutsvene mumoyo mangu, mhedziso yangu. Akazenge asiri ini.

³²² Ndakarwara imwe nguva, apo wangu...Ndakarasikirwa nemudzimai wangu. Ndakarasikirwa nemwana wangu. Oo, ndikarasikirwa nababa vangu, uye ndikarasikirwa nemunin’ina wangu, uye ndikarasikirwa namainini vangu. Zvino Billy akanga akarara, ave kufa, uye—uye ndakanga ndava kuda kutoparara. Ndaikwidza nomugwagwa, ndichichema, ndichienda kuguva rake; uye iye nemwana, uye mwana ari paruoko rwake. Ndichienda kuguva. Ndaifamba ndichikwidza kumusoro. Vaisler vaisiuya kuno kuzoridza, munoziva, Seneta wedunhu reIndiana. Vakanga vari kukwidza nenzira. Vakandimisa. Vakamhanyira kunze ikoko, vakandimbundira. Makanga muri mushure memafashamo a ’37. Vakati, “Uri kuenda kupi, Billy? Kumusoro uko here?”

Ini ndikati, “Hongu.”

Vakati, “Uri kunoitei kumusoro ikoko?”

³²³ Ndkati, “Ndinoteerera imwe njiva yakare.” Ndikati, “Ndakagara ipapo pedyo neguva remwana nerake. Imwe njiva yakare inouya zasi ikoko, uye inotaura nen.”

“Oo,” akati, “Billy!”

³²⁴ Ndkati, “Hongu. Uye ndinonzwa kuzevezera kwemashizha paanouridza. Anondiridzira mumhanzi, VaIsler.”

Vakati, “Anoridza mhando wemumhanzi wakaita sei?” vakadaro.

Kune Nyika mhiri kwerwizi,
 Yavanodaizda kuti iko kutapira
 kwekusingaperi,
 Uye tinongosvika kumahombekombe iwayo
 nedanho rekutenda;
 Mumwe nemumwe tinopinda suwo guru iroro,
 Ikoko kunogara nevasingafi,
 Apo rimwe zuva mabhera egoridhe iwayo
 vachaaridzira iwe nen.

³²⁵ Akati, “Billy, ndinoda kukubunza chimwe chinhu.” Akati, “Kristu anorevei kwauri zvino? Kristu anorevei kwauri zvino?”

³²⁶ Ndiye Hupenyu hwangu, zvangu zvose. Ndiye zvose zvandinazvo, VaIsler. Ndiye Mhedziso yangu—yangu. Ndiye zvese zvandinogona kubatirira kwazviri.” Sei? Pakave nechimwe chinhu chakaitika, “Padombo iri!”

³²⁷ Akati, “Ndakakuona wakamira pano pakona uchiparidza, kusvikira waita sekunge waizodonha wofa. Ndakakuona, maawa ose ehusiku, uchikwira nokudzika mumigwagwa, uchinoodna vanhu vanorwara. Uye mushure mekunge Atora mudzimai wako iwe, nemwana wako womene, uchiri kuMushumira?”

³²⁸ Ndkati, “Kana Akandiuraya, zvakadaro ndinovimba naYe.” Sei? Hoko yangu yakabatirira mukati mechidzitiro. Ndaive neMhedziso. Ndakazvisungirira kuShoko raKe, uye Shoko raKe rakanga rakabata. Ndiye Mhedziso yangu. Ndakaona kuti zvimwe zvinhu zvese izvi zvinogona kukundika, asi Kristu haambokundiki.

³²⁹ Chechi yeKatorike ina papa semhedziso. MaProtestanti ane mabhishopi avo, nezvitendwa zvavo, nevatariri vavo vemachechi.

³³⁰ Asi, ini, saPauro... Une penzura yako here? Nyora chimwe chinhu pasi. Muna... Pauro akati, muna Mabasa chitsauko 20 uye ndima 24, “Hapana chimwe chezvinhu izvi chinondizunguza.” Oo, unogona kuva nezvitendwa, unogona kuva nechero chaunoda, asi zvinhu izvozvo hazvindizunguzi.

Ndakasungirira mweya wangu munzvimbo
yezororo,
Ndisingachafambe pamakungwa ane njodzi
(uye usingazine pauri, nzira *iyi*, nzira *iyo*)
zvachose;
Mhepo huru inogona kuvhuvhuta nepamusoro
pemvura yakadzika, ine dutu rinotyisa,

Vese vanogona kuramba.

Asi muna Jesu ndakachengeteka
nekusingaperi.

³³¹ Hongu. Hapana chimwe chezvinhu izvi chinondizunguza, nokuti ndakasungirirwa kuhoko. “Oo, kubva pandakasangana naYe,” Pauro akati, “mumugwagwa iwoyo, ndange ndakasungirirwa kune hoko. Akanditendeutsa. Akanditangidza ndichidzoka zvakanaka.” Rangarirai, Pauro aiva wesangano zvakare, gurusa munyika, asi akasungirirwa kumhedziso.

³³² Teererai. Ndinoda kukuudzai chimwe chinhu. Akanga ane chinangwa chokundiponesa. Akanga ane chinangwa chokukuponesa. Uye ndakatsunga, nokuda kwaKe, kuti ndizviite; kwete kuwedzera kwaRiri, kana kubvisa kwaRiri. Zvakazarurwa 22:19, kana muchida kuzvinyora pasi. Zvakanaka. “Ani naani anobvisa...” Ndakatsunga. Ndiri kugadzirira kusya chechi, uye munozviziva. Uye saka ndakatsunga kungoramba ndiine Evhangeri iyi chero bedzi ndichiri kurarama, nerubatsiro rwaMwari. Huh! Rangarirai, hedzinoi nyasha. Paiva nemamiriyoni aifira muzvivi paAkandiponesa. Ndaiva aniko wekuti Agoponesa? Aiva nechinangwa, chokundiponesa, uye ndakatsunga kuita chinangwa chacho. Handina basa nazvo. Anogona kunge ari magumo angu, pamwe, nenguva isipi zvino. Asi, chero zvazviri, ndichiri ndakadzimikira hoko. Handina kumboichinjia.

³³³ VaIsler vakati kwandiri zuva iroro, vachikwidza nomugwagwa, vakati, “Billy, mudambudziko rose iri, wakachengeta chitendero chako here?”

³³⁴ Ndakati, “Kwete, changamire. Chakandichengeta.” Um-hum. Hoko yangu yakabata. Ndizvozvo. Handina kumbochichengeta, chakandichengeta. Handikwanise kuchichengeta, hapana nzira yekuti ndizviite, asi chinondichengeta. Hongu, changamire.

³³⁵ Akanga ane chinangwa chokundiponesa. Paiva nemamiriyoni muzvivi pandakauya kwaAri, asi Akandiponesa. Aiva nechinangwa chokuzviita.

³³⁶ Rufu rwaKristu rwakanga rwuri mhedziso, pakurwutya. Rufu rwaKristu rwakapedza mubvunzo wacho, apo nyuchi yerufu iya payakaMuruma ikanyudza rumborera rwacho. Munoziva, nyuchi, chipembene chine rumborera, kana chikangonyudza rumborera irworwo mukati, zvakanyatsodzika

zvakakwana, pachinobva, chinodzipura rumborera kubva machiri. Rufu rwakagara rwune rumborera. Rufu rwakagara rwune rumborera.

³³⁷ Zvino rimwe zuva, kukwira kuya kuenda kuKarivhari, nekurovera kwepamatombo iwayo, Ropa richipfachukira pamatombo, parakarova paivhu paKarivhari, achienda kuGorogota, kumashure kwemuchinjikwa iwoyo, kwaizvuzvurudza matsimba eRopa remutumbi mudiki iwoyo, usina simba waienda, uchifora ipapo. VachiMurova nokuMupwanya, paAikwira chikomo, asi Akanga ane mhedziso. Aiziva paAive akamira, nokuti Shoko raMwari rakati, kubudikidza naDhavhidha, “HaNdizosiyi Mutsvene waNgu achiona kuora, kana kuti Ndisiye mweya waKe mugehena.”

³³⁸ Aiziva kuti kuwora kwaitanga, mamaawa 72. Akati, “Paradzai temberi iyi, uye Ndichaimutsazve mumazuva 3.” Akanga ane mhedziso.

³³⁹ Hapo Achienda, achikwira chikomo, aine magararwa ekunyombwa, emate emasoja akadhakwa ayo akamuvhara kumeso kwaKe nechijira, ndokuMurova mumusoro, akati, “Uri muporofita here? Tiudzeka kuti ndiani aKurova.” Hapo paAive, achikwira chikomo, mukunyadziswa nekuvidzwa. Kuva... Nguwo dzake Adzikumurwa, achizvidza kunyadziswa, akarembera pamuchinjikwa pamberi pavanhu, asina kupfeka. Achifa mukunyadziswa neRoma, pasi pemutongo wehurumende, werufu, Murume akanga asina chaaita.

³⁴⁰ Kanyaya kadiki pane imwe nguva, kakati, Maria Magadharena akamhanya ndokuti, “Chii chaAkaita? Akapodza varwere venyu, akamutsa vakafa, uye akaunza kusunungurwa kune avo vaida, vari muhusungwa. Chii chaAkaita?”

³⁴¹ Muprisita ndokumurova pamuromo, kusvikira ropa rapfachuka, ndokuti, “Mungateerere iye here kana kuti muprisita wenyu mukuru?”

³⁴² Oo, nyika yemasangano iyoyo, chituko chezvoze hazvo. Ndizvozvo.

³⁴³ Hapo, hongu, vakaMutora. Asi paAikwira chikomo, achizvuzvurudza, dhiyabhore akagara achizvipokana, iYe kunge ari zvaAiva. Akati, “Kana Uri Mwanakomana waMwari, shandura mabwe aya ave chingwa. Unoti Unogona kuita minana. Kana Uri Mwanakomana waMwari, rayira matombo aya kuti ashanduke kuva chingwa.”

³⁴⁴ Dhiyabhore mumwe chete iyeye anorarama nhasi uno. Ndizvozvo. “Kana uri mupodzi Mutsvene! Heuno mutana Johane *Nhingi-nhingi* agere pano pakona. Ndinoziva kuti akaremara. Mupodze.” Hamuzivi here kuti ndidhiyabhore mumwe chete uya wekare?

Jesu akati, “Ndinoita chete...”

³⁴⁵ Tarirai, Akapfuura nepadziva reBhetesdha, makange muvete zviuru ipapo, zvirema, mapofu, vakaoma mitezo, nevakaunyana, ndokuenda kumunhu aikwanisa kufamba. Aigona kufamba-famba. Anogona kunge aive nedambudziko reprostate. Chero zvazvaive, hwakange husina simba. Aive nahwo kwemakore 38. Akati, “Pandinenge ndichiuya kudziva, mumwe munhu anonditangira.” Aigona kufamba.

³⁴⁶ Akavasiya vose vavete ipapo, ndokuenda kune iyeyo wacho ndokumupodza. Sei? Akati Aitoziva kuti akanga ari muchimiro ichocco. Zvino vakati kwaAri, vakaMubvunza, pavakaMuwana. Mutsvene Johane 5, Akati, “Zvirokwazvo, zvirokwazvo, Ndinoti kwamuri, Mwanakomana haana chaanogona kuita pachaKe, kunze kweizvo zvaAnoona Baba vachiita.” Heyo Mhedziso yaKe. Ndiyo ichiri mhedziso.

³⁴⁷ Ndakamira ikoko kuFinland zuva riya, uye mukomana mudiki uye akararapo, zvino ndakafamba-famba, iye akarara ipapo, akafa, akanga aka kwehafu yeawa. Makaverenga mubhuku. Ndakatanga kufamba ndichienda, chimwe Chinhu chakaisa maoko avo pamusoro. Ndakacheuka, ndikafunga kuti, “Changa chiru chii?” Ndakatarisa zvakare. Ndakafunga, “Mira zvishoma.”

³⁴⁸ Ndakatarisa kumashure pano papeji rekumucheto muBhaibheri. “Uye zvichaitika kuti, mukomana mudiki angangoita makore 9 okuberekwa, achauraiwa nemotokari. Pachange pane mutsetse murefu wemitti inogara yakasvibira, matombo akaturikidzana imomo. Motokari ichange yakarara mhiri kwemugwagwa, yakaparara. Achange akapfeka masokisi madiki, kunge, marefu; akagerwa bhibho. Meso ake maduku achange akapinduruka. Mapfupa omumuviri wake achange akatyoka.”

Ndakatarisa. Ndakafunga, “O Mwari!”

³⁴⁹ Ndakati, “Mirai, imi mese.” Meya weguta ari ipapo. Ndakati, “Kana mukomana uyo akange asati amira netsoka dzake mumaminetsi 2 kubva zvino, ndiri muporofita wenhemu; endai, ndidzingirei kunze kweFinland.” Zvirokwazvo. “Asi kana ari kuzosimuka, munofanira kupira hwenyu kuna Kristu.” Ndizvozvo. Vakaramba vakamira.

³⁵⁰ Ndakati, “Baba voKudenga, mhiri kwegungwa uko, makore 2 apfuura, Makati mukomana mudiki uyu achange akarara pano.”

³⁵¹ Paiva naHama Moore naHama Lindsay, ivo vakatarisa izvozvo. Uye, kwese-kwese, vakazvinyora muBhaibheri. Uye zviuru zvemaBhaibheri munyika yose zvaive zvakanyorwamo. Chaiva chii? Mhedziso. Baba vakanga varatidza zvaizotora nzvimbo. Pakanga pasina kutya, zvachose, ndakamira ipapo. Zvamazvirokwazvo, chokwadi, achamuka.

³⁵² Imomo muFinland chaimo, umo zviuru zvevanhu zvichiuya husiku hwega-hwega, uye vachitozofanira kubuditsa vamwe kunze vondiita kuti nditaure navo, vovabuditsa kunze uye vopinza mumwezve munhu mukati. Hapo akamira ipapo, nezvoze izvozvo. Vanhu vaindida, uye vakanga vaona kupodzwa kuchiitwa, asi hepanoi paine mukomana aive arere, akafa. Mhedziso yaive chii? Chiratidzo. “Ndinoita izvo zvinorehwa naBaba kuti ndiite. Uyo anotenda maNdiri, mabasa aNdinoita naiye achaaitawo zvakare.” Heyo mhedziso yako.

³⁵³ Ndakati, “Rufu, haugone kucharamba wakamubata zvachose. Mwari vataura. Dzoka. Muregedze.” Zvino mukomana mudiki akasimuka, akaringa-ringa saizvozvo. Vanhu vakatanga kufenda, zvose hazvo. Hezvoka izvo, zvakanyorwa ipapo, uye zvakasainwa nameya weguta, kana, nevezvemutemo. Ndizvozvo.

³⁵⁴ Chii ichocco? Mhedziso, Jesu Kristu ndiye mumwe chete zuro, nhasi, nokusingaperi. Kana asiri Mwari mumwe chete akamisa mudzimai wekuNaini, aive nekuvigwa kwemwanakomana wake. Paifa munhu upi zvake mumazuva iwayo, pakarepo vaibva vamuissa muguva. Vaisavatendera kusvika mangwana. Vaivaisa muguva. Heunoi Jesu Kristu mumwe chete uyo, zuro, nhasi, nokusingaperi. Hongu.

³⁵⁵ Tarisai zasi uko kuMexico, uye nemwana mucheche mudiki uya. Vamwe venyu varere pano, vagere pano. Zvino mwana iyeye, chiremba akasaina gwaro, zvakanyorwa muChristian Business Men. “Mwana iyeye akafa mangwanani iwayo na 9 o’clock, zvino iyi yakanga iri 10 o’clock husiku ihwohwo.”

³⁵⁶ Mudzimai muduku iyeye aisanyaradzika. Billy akamira ipapo, mwanakomana wangu, achiedza kumudzosera kwaabva. Zvino akanga aine, zvino, ndinofungidzira kuti vaiva nemaasha 200 akanga akamira ipapo, zvino iye achikwira nepamusoro pavo. Husiku hwazuro wacho, murume uya bofu akagamuchira kuona kwake, zvino aizviziva. Mudzimai aive muKatorike.

³⁵⁷ Apo, pakupedzisira, ndakazoti, “Endai, Hama Moore, munomunamatira. Nokuti, mwana iyeye...”

³⁵⁸ Kwainaya, ichituruka zvakasimba. Vainege vakamira ipapo kubva rungwanani-ngwanani irworwo, kunze munhandare huru iyoyo yemutambo wemabhuru. Zvino ndakati... Vaindidzikisa netambo, kumashure, kuti ndipinde munzvimbo yacho. Ndingoriko kwehusiku 3.

³⁵⁹ Ndakamira ipapo. Ndakati, “Sezvandanga ndichitura...” ndichiparidza. Zvino ndakatarisa, ndakaona kamwana kadiki kunze uku pamberi pangu, kamwana kekuMexico, kasina mazino, kakangogara ipapo kachindiseka, pamberi pangu pano chaipo.

³⁶⁰ Ndakati, “Imbomirai zvishoma, Hama Moore. Huyai naye pano.” Oo, mhedziso!

³⁶¹ Maasha akavhura nzira. Heunoi achiuya. Akawira pasi ndokuti, “Baba, Baba.”

Ndikati, “Simuka.”

³⁶² Zvino Hama Espinoza vakati, “Simuka,” uye vakamuudza nechiSpanish. Akasimuka ipapo.

Ndakati, “Baba voKudenga, ndakamira pano mumvura iri kunaya ino.”

³⁶³ Mudzimai akanaka, mudiki ane makore angangoita 23 ekuberekwa, zvakada kudaro, vhudzi rake rakarembera pasi. Huso hwake hudiki hwakatarisa mudenga sezvizvi, matarisiro aive mumaziso ake, ekutarisira. Akanga aona murume uya akanga ari bofu zvachose kwemakore angangoita 40, maziso ake akazaruka papuratifomu. Aiziva kuti kana Mwari vaikwanisa kuzarura maziso akapofomara, Vaigona kupodza mwana wake. Hapo akarara ipapo, kanhu kadiki kakaomarara kakarara pasi pegumbeze saizvozvo, uye iro rakanyatsonyorova. Akanga akamirapo mangwanani ose, nemasikati iwayo, zvakare. Ipapo, dzakanga dziri dzingaita 11 o’clock, 10 o’clock husiku ihwohwo, zvakada kudaro, akabata mwana iyeye. Makaona nyaya yacho muChristian Business Men. Imomo, akabata mwana iyeye saizvozvo.

³⁶⁴ Ndakati, “Baba veKudenga, handizivi kuti izvi zvinorevei. Ndingori muranda weNyu. Asi ndaona mwana iyeye akamira uko. Anga ari mupenyu. Ndinoisa maoko angu paari, muZita raIshe Jesu.”

Akati, “Whaa!” ndokutanga kuchema.

³⁶⁵ Amai vakati mwana dzvii ndokutanga kuridza mhere. Zvino vanhu ndokutanga kudanidzira kunze uko, nemadzimai achifenda nezvimbwe. Ndakati, “Musataure chii zvachozvezvazvo. Tumai nhume nemwana iyeye, naamai ivavo, uye muende kuna chiremba wacho, momuita kuti asaine gwaro, kuti, ‘Mwana iyeye afa. Afa nemabayo, mangwanani iwayo zvisati zvaitika, uye, kana kuti mangwanani iwayo na 9 o’clock.’”

³⁶⁶ Zvino tine gwaro rakasainwa nachiremba, “Mwana akanzi ‘afa,’ muhofisi yachiremba mangwanani iwayo, uye amai vacho vakamutakura kwese hako zuva rose.

³⁶⁷ Chaiva chii? Mhedziso. Chaiva chii? Akatenda, kana Mwari vakakwanisa kuvhura maziso akapofomara, (chii?) Mwari vaikwanisa kumutsa vakafa, nokuti ndivo mumwe chete zuro, nhasi, nokusingaperi.

³⁶⁸ Ndakanga ndisina chokwadi. Handina kuziva kusvika ndaona. Zvino pandakaona mwana wacho, yakanga iri mhedziso, chokwadi chamazvirokhwazvo. Hapo paaive. Rufu rwunototi rwusiyi munhu warwatora.

³⁶⁹ Heunoi Mwanakomana waMwari achienda. Nyuchi iya yerufu yakatanga kuziririka paAri. “Aa, Angave muporofita sei?”

Aigomira sei ipapo oreaga mate ari kumeso kwaKe? Aigomira sei ipapo, ovarega vachiita dambe naYe, uye oreaga kuita chimwe chinhu pamusoro pazvo? Haasi Emanueri. Uyo angori munhuwo zvake. Tarisai masiriri ezvidhakwa kubva kumasoja akadhakwa. Tarisai chiso chaKe chichijuja ropa.”

³⁷⁰ Dhiyabhore akati, “NdichaMuwana zvangu. NdichaMuwana.” Heunoi achiuya, senyuchi, rumborera rwerufu, achizirrika paAri. Asi, hama, nyuchi iyoyo payakanyudza rumborera rwayo muna Emanueri, payakabuda, yakarasikirwa nerumborera rwayo, kunyange rufu pacharwo.

³⁷¹ Ndosaka Pauro, pamberi apo, akakwanisa kutarisa muchiso charwo, akati, “O rufu, rumborera rwako rwuripi? Guva, kukunda kwako kuripi? Mwari ngavavongwe, Vanotipa kukunda!” Rufu rwaKristu rwakanga rwuri mhedziso kumunhu wose airwutya.

³⁷² Moyo wangu unoti “ameni” kuShoko rose riri muBhuku raKe. Ndava kuvhara, zvechokwadi chaizvo zvino. Ndinotongofanira kugura izvi. Maona?

³⁷³ Ndiko kusaka ndichiziva kuti Mweya Mutsvene ndiwo kambasi yangu inonditungamirira. Ndiwo Unoita kuti ndizive kuti Shoko iri nderechokwadi. Ndiwo Mhedziso yangu, ndiWo Zuva rangu, ndiWo Hupenyu hwangu, ndiWo Hoko yangu. Kana matambudzikzo aripo, ndiWo Nyeredzi yangu yeKuchamhembe. Kana ndarasika, Mweya Mutsvene ndiyo Kambasi yangu inonditungamira kudzokera kunzvimbo.

³⁷⁴ Masangano akaita sedzimwe nyeredzi, dzinofamba pamwe nenyika. Dzimwe nyeredzi dzinofamba apo nyika inofamba, asi kwete nyeredzi yekuchamhembe. Nyika inogona kufamba painodira, asi iyo inoramba imirepo. Oo, hama, Nyeredzi yekuchamhembe yakaiswa hoko. Dzimwe dzinobva panzvimbio, unogona kudziona *pano neapo*, nekumwe kwese. Ndizvo zviri machechi emasangano.

³⁷⁵ Asi Kristu ndiye Mhedziso, ndiYe Waunogona kuisa chivimbo maari. Kana masangano akuita kuti uvhiringike, ingotarisa kuNyeredzi yeKuchamhembe, Mweya Mutsvene ndiwo Kambasi yako, Unogara wakatendeka kuShoko raKe.

³⁷⁶ Pavakandiudza kuti zvinhu izvozvo zvaisagona kuitika muzuva rechimanjemanje rakadai, ndakaziva. Kana—kana ikoko—kana ikoko kusina Mwari, saka chirarama, idya, inwa, uye ufare. Kana kuna Mwari, ngatiVashumirei. Zvino ndakararama kuona zuva raAkaita zvose, kunyange pakumutsa vakafa, paAiva pano panyika. Uye tinoziva izvozvo negwaro rakanyorwa, kuti ichokwadi. Hongu, changamire.

³⁷⁷ Ndiye Mhedziso yangu. Zvino Muite Mhedziso yako. Tora mu...Munguva yekutambudzika kwangu, Anogara ari Mhedziso. Zvino tarisai, nenyasha dzaMwari...

³⁷⁸ Zvino regai zvangu ndivhare, nguva dzaenda. Zvino, tarisai pano, ndafunga kuti dzanga dziri 11 o'clock, zvino dzava 12:30.

³⁷⁹ Shamwari, zuva rose, husiku hwese, gore rose, nemuZiyendanakuenda, haungambokwanisi kutaura nezvaRo. Usaedze kuda kuRinzwisia. Haukwanise. Hapana nzira yekuRinzwisia nayo. Unoti, "Hama Branham, kana—kana imi..."

³⁸⁰ Handizive. Ndinongotenda. Ndinorega kuedza, kuita chero chinhu nezvaRo. NdinongoRitenda, ndizvo zvoga. Maona? "Kwete uyo anomhanya, kana uyo anoda; ndiMwari vanonzwira tsitsi." Maona? Kwete namabasa. Zvinoitwa nenyasha. Maona? NdinongoRitenda. Mwari, zviri kwaVari kuita zvimwe zvacho zvose. ChingoRitenda, shanda paRiri.

³⁸¹ Rwiyo urwu rwakakurumbira, ndakavanzwa vachirwuridza kana kurwuimba pano kana kumwewo:

Oo, rudo rwaMwari, rwakapfuma uye
rwakachena sei!
Rwusinganzwisisike uye rwakasimba sei!
Rwuchagara nokusingaperi,
Rwiyo rwevatsvene neNgirozi.

³⁸² Kana munhu mumasvomhu, akaedza kutsanangura, kana kuedza kuratidza nedzidzo yake, anokuvhiringidza musoro. Haugone kuzviita. Usaedza kuzviita. Usaedze kuRinzwisia. Mwari havagoni kunzwisiswa. Hauiti zvekunzwisia Mwari. Unongotenda Mwari. Ndicho chakava...Ndicho chakavanzika. Usaite zvekuRinzwisia. ChingoRitenda. Handikwanise kukuudza zvaRinoreva. Handikwanise kukuudza maitirwo azvo. Ndinongoziva kuti ndinoRitenda. Ndizvo zvoga.

³⁸³ Sekungovimbisa chimwe chinhu kwaunoita kumwana mudiki, anozvitenda. Unofanira kuchengeta shoko rako. Uri mwana waMwari. Vanochengeta Shoko raVo. IngoRitenda. Usazunguzwe. Ingogara ipapo chaipo. Mwari vakazviita imwe nguva, Vanofanira kuzviita zvakare. Kana Vakasadaro, Vanokuudza kuti sei Vasingakwanisi kuzviita. Uye ndizvozvo. Zvino, chingogara chaizvo naRo.

³⁸⁴ Munoziva, ndima imwe chete ipapo...Ndinotenda kuti hama yedu inokosha iyo, yakabhabhatidza manheru apfuura, inoimba rwiyo irworwo, "Oo, rudo rwaMwari." Vanondiudza kuti ndima iyoyo, chikamu chino chayo, chakawanikwa chakanyorwa pamadziro echipatara chevarwere vepfungwa. Payakati:

Kana isu neingi taizadza nyanza,
Kana kuti matenga akagadzirwa nematehwhe;
Uye dzinde rimwe nerimwe riri panyika riri
chinyoreso,
Uye munhu wese ari munyori sebasa rake;
Kunyora rudo rwaMwari vari kumusoro

Kwaiomesa nyanza ichipwa;
 Kana mupumburu wacho hawaigona kutakura
 zvese,
 Kunyangwe ukatambanudzwa kubva kune
 rimwe denga kuenda kune rimwe denga.

³⁸⁵ Pafungei. Apo, zvikamu zvingaite 3 kubva mune 4 zvenyika imvura. Uye tarisai hydrogen neoxygen zviri mumhepo, mwando nezvimwe. Maona? Kana mwando wese waive ingi. Uye fungai nezve mabhiriyon, nematiririyoni nematiririyoni emadzinde, angazove zvinyoreso. Zvino fungai nezvemabhiroyoni evanh vange vari panyika, uye mumwe nemumwe wavo ari munyori sebasa rake. Kunyika zvinyoreso izvozvo munyanza, uye nekuedza kuda kunzwisia rudo rwaMwari, zvaizoomesa nyanza ichipwa; kana kuti mupumburu hawaigona kutakura zvese, kunyangwe wakatambanudzwa kubva kune rimwe Ziyendanakuenda kune rimwe Ziyendanakuenda.

³⁸⁶ Usaite zvekuda kuRinzwisia, haugone. Unorasikirwa nepfungwa dzako, uchiedza kuda kuRinzwisia. ChingoRitenda. Muite Mhedziso yako, gara ipapo, rugare rwunotapira uye nechiitiko chausingafe wakakanganwa. Sungirirwa kwaIri, zvino hoko yako ichabata mukati mechidzitiro.

Ngatikotamisei misoro yedu.

“Muri Mukuru kwazvo! Muri Mukuru kwazvo!”

³⁸⁷ Vangani vari muno, nemisoro yenu yakakotamiswa mangwanani ano...Kwave kuswedera kuGore Idzva zvino. Uye wange uri anonamata zvakanyanya, uye zvakanaka. Ndinozvikoshesa, mumwe nomumwe wenyu. Ndine chokwadi chokuti Mwari vanodaro. Asi iwewe chaizvo usati wambove nechiitiko ichocco chemazvirokwazvo?

³⁸⁸ Chimwe chinhu ichocco chausina kungoita zvekutenda zvekabanga, chausina kuita zvekungofungidzira, asi chimwe Chinhu chakataura chichikupindura, uye ukabva waona hupenyu hwako huchishanduka kubva panguva iyoyo. Munoon, Shoko rose raMwari, vimbiso yose, inotsigirwa ne “ameni,” ipapo wakabatirira kune mhedziso. Nokuti, rangarirai, Akati, “Denga nenika zvichapfuura, asi Shoko raNgū harizokundiki.”

³⁸⁹ Hausati wasvika panzvimbo iyoyo nazvino, iyo yaunogona kuti “ameni” kuShoko roga-roga, kunyangwe Raipesana nechitendwa chako, Raipesana nesangano rako, asi unoda kuuya panzvimbo iyoyo, saMosesi, savamwe vose? Havana kukwanisa kuzviita kusvikira vabata mhedziso iyoyo. Uye uchiida muhupenyu hwako mangwanani ano, ungaratidzawo here zvime chetezvo nokungosimudza maoko aki kuna Mwari? Mwari vakuropafadzei. Zvakanaka, changamire. Kwese-kwese muchivakwa.

³⁹⁰ Baba vane Nyasha, ndinoziva kuti imwe nguva tinofanira kuparadzana. Panofanira kuva nenguva iyo yatichabva panyika

ino. Hatzizivi kuti inguvai iyoyo, uye hazviiti mutsauko wakanyanyisa. Kana nguva yedu yapera, ipapo tinoda kuuya. Chinangwa chedu chekugara pano ndechekuKushumirai.

³⁹¹ Uye kubvira panzira inoenda kunoparadzwa, rimwe zuva, apo Pauro akanga ari munzira kuenda Dhamasiko, kuti aparadze Chechi, Chiedza chakamupofomadza. Uye, O Mwari, Chiedza ichocco chakamutevera, nokuti Chaiva Kristu. Uye akasungirirwa ipapo pamhedziso, zvekuti, kunyange rufu pacharwo, aigona kuseka pamberi parwo, uye oti, "Mwari ngavavongwe Vanotipa kukunda kubudikidza naJesu Kristu."

³⁹² Makava mhedziso izere kumuapostora iyeye. Akanga ari...Makange muri Ameni kwaari, muchirevo chose. Maive Nyeredzi yehupenyu hwake, bango rechikwangwani chinoratidza mafambiro. Maive kambasi yakamutungamirira nemudutu. Maive chirazuro. Maive chiratidzo. Maive tariro yake, noruponeso rwake. Kunyange panguva yerufu, paakaziva kuti akanga achizoenda kwarwuri, Makanga muchiri mhedziso yake.

³⁹³ Makanga muri mhedziso yaDhanieri. Makanga muri mhedziso yevaporofita vose. Pakati pemisiyano yemasangano, nematambudziko emazuva avo, nevaFarisei nevaSadhuse, zvakadaro paiva nevarume vakaKutorai semhedziso yavo.

³⁹⁴ Uye nhasi, Ishe, varume nevakadzi vane tsitsi, vane rudo, ne—nemoyo iri kushuva kwazvo, Ishe, kuve nechiitiko chechokwadi chekuziva Mwari, uye nekuva nechi—chi—chivimbo chemhedziso. Zvichida zvakambozivikanwa zvoga nevanhu, kumashure, Ishe, kwaiva kujoinha chechi. Uye tinocherechedza, sezvandakaedza kuita, nekuperera, kwete kuva ndakasiyana; Munoziva mwoyo wangu; asi kuvaudza kuti, "Haukwanise kujoinha Chechi. Unojoinha kirabhu, makirabhu eMethodisti, neeBaptisti, neeKatorike, neePentekosti. Asi unozvarirwa muChechi, Mutumbi wakavanzika waKristu, uye wova nhengo dzeMutumbi waKe, nezvipo zveMweya, kuita kuti Mutumbi waKe mukuru ufambe mukuita uye nesimba."

³⁹⁵ Mwari, ndizvo zvanga zvichirehwa nemaoko aya mangwanani ano, paaenda mudenga. "Ndiisei, O Ishe. Nditorei, ndiumbei, ndiitei. Ingoitai kuti nzvimbo yangu muhupenyu ive mhedziso, yakasungirirwa pana Kristu, zvekuti hapana chimwezve chandichafunga kunze kwemhedziso iyoyo." Zviitei, Ishe. Varopafadzei. Podzai vanorwara nevanotambudzwa. Ponesai vakarasika.

³⁹⁶ Zvino, Ishe, tinoziva kuti itsika yekudaidza vanhu kuartari, asi yave tsika kwatiri. Uye mangwanani ano, nemaartari akazara, uye vana va—vaduku ne—nevose, asi, Ishe, neimwe nzira Mataura navo. Vasimudza maoko avo. Vaita—vaita, tingati, sarudzo. Vanoda kudaro. Ivo—ivo—ivo vanoda chimwe chinhu chechokwadi. Uye ndiri kupa munamato wangu kuitira

ivo. Zviitei kune mumwe nemumwe, Ishe. Ivai nesu zvino, muchiregerera zvivi zvedu, muchipodza hurwere hwedu, uye muchitipa rudzikinuro rwatinoda.

³⁹⁷ Uye, Ishe, pamusoro pezvinhu zvose, ngatisambofe takakanganwa, nhasi, kuti takasungirirwa kumhedziso, Nyeredzi yedu yekuchamhembe, paKarivhari, kuna Kristu. Uye Mweya Mutsvene uri kutora Mashoko aMwari uchiAita kuti aratidzwe sezvaari kwatiri, nokupodza vanorwara, kutiratidza zviratidzo, kumutsa vakafa, uye nokuita chaizvoizvo zvaWakavimbisa kuita.

³⁹⁸ Uye dai chechi ino, nevanhu ava, kana chikamu cheMutumbi waKristu wakaungana pano mangwanani ano, wararama sezvakarehwa naJesu kuti urarame. "Muri munyu wenyika." Uye dai vakava nemunyu wakanyanya kusvikira nharaunda yavo yazova nenyota. Munyu unoitisa nyota. Uye munyu unogona chete kuchengetedza paunobata. Uye ndinonamata, Mwari, kuti Mugopa izvi kuvanhu, kuti vagova avo vanounza mweya kuruponeso, zvakare.

³⁹⁹ Ropafadzai mufundisi wedu, Hama Neville, muranda akazvininipisa uyu, Ishe. Akamira panzvimbo yake yebassa, achingova anoremekedza, senhengo yeMutumbi waKristu, achiedza nepaanogona napo kutevedzera zvese zvaMunomuudza kuti aite.

⁴⁰⁰ Ropafadzai matirastii, varume ivava vakamira neni zvine nyasha huru munguva ino huru, yerima yandakapfuura nemairi.

⁴⁰¹ Mirai neChechi yakanamata neni uye ikamira neni munguva dzekutambudzika. Ishe, ndinovada. Uye ndinoisa munamoto wangu, kuti vatarise kwaMuri, Ishe. Dai vatarisa kure nevhu rino rinofa remuranda. Dai vatarisa kuna Iye Anova Samasimba, Ari... Uye tinoziva, Ishe, kuti tine magumo. Hazvina basa kuti tiri ani, tichiri vanhu vanofa. Asi, kwete mutumwa, asi Mharidzo. Zviitei, Ishe. Ndiko kwatinonongedza, kuna Jesu Kristu Mwanakomana waMwari. Itai kuti Ave wemazvirokzwazvo chaizvo kune wese ari pano nhasi, kunyangwe kuvana vadiki, kuti Ave mhedziso yeungano yose. Tinokumbira muZita raJesu. Ameni.

NdinoMuda, ndinoMuda
Nokuti ndiYe akatanga kundida
Ndokutenga ruponeso rwangu
Pamuti weKarivhari.

⁴⁰² Zvino, tichirwuimba zvakare, kwazisana maoko nemunhu ari pamberi pakos, kumashure kwako, kurutivi rwako, munhu wese chingokwazisanai zvino. Ingorambai makagara. Ingotendeukai mokwazisana maoko, kana muchikwanisa. Maona?

Ini...(. . .? . .)
...akatenga rwangu...? . .

Vachangozivisa, “Chirairo, manheru eMuvhuro, pakati pehusiku.”

⁴⁰³ Ngatisimudzei maoko edu zvino tiMuimbire. Vangani, vangani vanonzwa, iwe, iYe ndiye Mhedziso yako? Shoko, Iye iShoko. Unozvitenda here? Iye iShoko. Zvino Mweya Mutsvene wakapa hupenyu kuShoko iroro, kuita kuti Chiedza ichocho chirarame mauri, cheShoko, kusimbisa kweShoko. Isa Shoko mumoyo mako. Rega Mweya Mutsvene upinde, uye uone Shoko richifamba. Tenda. Zvininipise. Usashuvire kuva mumwe munhu mukuru. Iva munhu pasina, kuti Mwari vakuite munhu akakosha. Maona? Zvakanaaka. Ita izvozvo zvino.

⁴⁰⁴ Munhu wose anoMuda? Itai, “Ameni.” [Ungano inoti, “Ameni.”—Mupepeti] Munoziva zvinorehwu neshoko rokuti ameni? “Ngazvive saizvozvo.” Ameni. Ndizvozvo chaizvo.

⁴⁰⁵ Ngatitii, “Hareruya!” [Ungano inoti, “Hareruya!”—Mupepeti] Munoziva here kuti zvinorevei? “Rumbidzai Mwari wedu.”

⁴⁰⁶ Pandakanga ndiri kuGermany kasiri kare, Ndakasimuka pamberi, pevanhu vangangoita, 30 kana 40,000 kunze ikoko zuva iroro, zvino ndikati, “Chinhu chinoshamisa chekuti imi vanhu vechiJerimani hamugone kunzwisisa.” Ndakati, “Ndiri munzira yangu kudzika kuno nhasi, imbwa yandihukura neChirungu. Ndizvozvo.” Ndikati, “Yanga isina kana dampudziko zvachose. Zvino hapo pange pakagara shiri, zvino yandiimbira neChirungu. Ndakadzika nemugwagwa, zvino vamwe amai vanga vase kamwana kacheche paruoko rwavo, pandapinda kumashure uko, zvino,” ndakati, “mwana iyeye anga ari kuchema neChirungu. Chii chinokunetsai imi vanhu?” Ndizvozvo. Oo, kana ukangotarisa kwese zvako, Ari kwese-kwese, haAsi here? Chokwadi, Ari.

⁴⁰⁷ Zvino ngatingosimudzai maoko edu uye tovhara maziso edu, zvino toimba, tichikumbira mufundisi kuti vauye kuzotiparadzanisa.

Ngatisimukei, kutanga. Munhu wese netsoka dzake, munhu wese.

⁴⁰⁸ UnoMuda here? Zvakare zvino iti, “Ameni.” [Ungano inoti, “Ameni.”—Mupepeti]

⁴⁰⁹ Uye munoziva, izwi rekuti *hareruya* rimwe chete mundimi dzese. Endai mumasango emaHottentot emuAfrica, *hareruya* ishoko rimwe chete. *Hareruya*, inofanira kunge iri kwaziso yeChikristu. Handizvo here? *Hareruya*, izwi rinoreva kuti “rumbidzai Mwari wedu.” Uye Akakodzera kurumbidzwa, haAna here? Ndiye zvamazvirokwazvo Muponesi wangu. Ndiye zvamazvirokwazvo Jesu Kristu, Mwanakomana waMwari, kwandiri. Ndiye zvamazvirokwazvo “mumwe chete zuro, nhasi, nokusingaperi,” kwandiri. Ndizvo zvaAri kwauri here?

NdinoMuda, ndinoMuda
Nokuti ndiYe akatanga kundida
Ndokutenga . . . (Mwari vakuropafadzei,
Hama.) 

62-1230M Mhedziso
Branham Tabhenakeri
Jeffersonville, Indiana U.S.A.

SHONA

©2024 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedza. Bhuku iri rinokwanisa kudhindhwapapirinda yekumba kuti ushandise uri iwe pachako kana kugovera kunze, usingatengesi, semudziyo wekuparadzira Evhangeri yaJesu Kristu. Bhuku iri harigoni kutengeswa, kudhindhwakawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa neveku**Voice Of God Recordings®**.

Kuwana umwe umboo kana zvimbewo zviripo zvingawanikwa, tapota nyorerai:

**VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.**

www.branham.org